

**“Zaštita Une je
javni interes,
oslobodit ćemo
njene obale”** str. 3

92,3
94,7
**RTV
BIHAĆ**
rtvbihac.ba

RADIO-TELEVIZIJA
USK
Trg Maršala Tita bb,
Bihać

**TREND
RADIO** 91,6



Na svu sreću!

 **Unsko-sanske novine** 

KRAJINA

PETAK, 3. oktobra/listopada 2025. godine Bihać Godina: XXX Broj: 1536

cijena 1 KM

e-mail: usnovine@bih.net.ba www.usnkrajina.com.ba



Vi nama povjerenje

Mi Vama sigurnost

www.camelija-osiguranje.com info@camelija-osiguranje.com

KANTONALNI ZVANIČNICI RAZGOVARALI S RUKOVODSTVOM OBRRTNIČKE KOMORE USK

Prioritet uspostava efikasnije saradnje realnog sektora i kantonalne vlasti

Premijer Unsko-sanskog kantona Mustafa Ružnić sa ministricom privrede Samrom Mehić i predsjedavajući Skupštine Unsko-sanskog kantona Nisvet Jusić primili su Enesa Arapovića, predsjednika Obrtničke komore USK. U ime Obrtničke komore predsjednik Arapović informisao je o najznačajnijim aktivnostima Komore usmjerenim na poticaj razvoju obrtništva te ukazao na potrebu uvezivanja sa ekspertima u IT sektoru kako bi, u daljem radu, stvarali uvjete i za razvoj biznisa u IT i kreativnim industrijama. Premijer Ružnić i predsjedavajući Jusić

naglasili su kao prioritet uspostavljanje efikasne saradnje realnog sektora i kantonalne vlasti u cilju ukupnog razvijanja privrede te će, naglasili su, partnerski podržavati institucije koje realiziraju programe podrške privrednicima i obrtnicima, uz realizaciju kantonalnih podsticajnih programa za razvoj postojećih i osnivanje novih biznisa. Samra Mehić, ministrica privrede u Vladi Unsko-sanskog kantona kazala je da će kantonalna vlast strateški podržavati razvoj obrta i male privrede kroz nekoliko programa direktne podrške realnom sektoru putem Ministarstva privrede.



BIHAĆKE URBANE LEGENDE

**Ibro
Selmanović:**
Život u pjesmi,
pjesma u
životu

str. 12 i 13



KRAJIŠKI PRVACI PREGALAŠTVA

**Milan
Smiljanić:**
Život
posvećen
Bihaću

str. 8 i 9



UNSKO-SANSKI KANTON DOBIO NOVU VLADU

Ko su (stari)novi nosioci funkcija u izvršnoj vlasti?

Skupština Unsko-sanskog kantona, na vanrednoj sjednici održanoj 23. septembra ove godine smijenila je staro rukovodstvo Skupštine i Vladu USK. Na poziciji predsjedavajućeg Skupštine Unsko-sanskog kantona sada je Nisvet Jusić iz Stranke za BiH, a premijer USK je Mustafa Ružnić (NES), koji je ovu funkciju već obnašao od 2018. do 2023. godine.

U vladajućoj većini su ostali: SDP, DF i dio NIP-a. Osim pomenutih stranaka, dio nove većine su NES i Stranka za BiH, dok su u opoziciju otišle SDA i POMAK.

Prema dogovoru vladajuće većine u Unsko-sanskom kantonu SDP je zadržao tri ministarstva, koja su imali i u prethodnom sazivu Vlade Unsko-sanskog kantona. Kako je naglašeno tu neće biti promjena. Adnan Habibija ostaje ministar unutrašnjih poslova, Denis Osmankić, ministar obrazovanja, nauke, kulture i sporta a Danko Jakšić, ministar finansija.

Nova imena u Vladi USK su: Sanela Zečirević, ministrica pravosuđa, Samra Mehić, ministrica privrede, Štefica Grgić, ministrica zdravlja, Almir Zulić, ministar za pitanja boraca i Edvin Odošić, ministar za građenje, prostorno uređenje i zaštitu okoliša.

Na poziciji ministra poljoprivrede, vodoprivrede i šumarstva je ostao Edvin



Alijanović (DF).

Ono što javnost svakako zanima je to čime su se novoimenovani ministri bavili prije ulaska u izvršnu vlast.

Ministar za pitanja boraca, Almir Zulić (DF) ranije je bio savjetnik premijera Unsko-sanskog kantona. Bio je i zastupnik u Federalnom parlamentu kada se posebno zalagao za prava demobilisanih boraca.

Samra Mehić, bivša direktorica Centra za socijalni rad Bužim, ispred Stranke za BiH, vraćena je na funkciju ministricе privrede, koju je obavljala prije Hušićeve Vlade.

Na čelu ministarstva zdravlja sada je Štefica

Grgić (NiP), specijalista porodične medicine i dugogodišnja uposlenica Doma zdravlja Bihać.

Sanela Zečirević (NES), ministrica pravosuđa i uprave, dosadašnja je uposlenica ovog sektora i zamjenski član Komisije za polaganje stručnog ispita namještenika u organima državne službe Unsko-sanskog kantona.

Edvin Odošić (NES), ministar za građenje, prostorno uređenje i zaštitu okoliša, prije preuzimanja funkcije u izvršnoj vlasti USK, uspješno se bavio biznisom i vlasnik je "Grand Global" firme iz Velike Kladuše.

N.Piralić

MINISTAR ZULIĆ RAZGOVARAO SA PREDSTAVNICIMA BORAČKIH SAVEZA

Nastavak podrške ostvarivanju prava boračke populacije

Almir Zulić, ministar za pitanja boraca i ratnih vojnih invalida u Vladi Unsko-sanskog kantona sa saradnicima je razgovarao sa predstavnicima boračkih saveza o aktivnostima organizacija koje zastupaju interese boračkih populacija i finansiranju rada i programa boračkih saveza.

Ministar Zulić je naglasio da će saradnja sa boračkim savezima biti jedan od prioriteta u njegovom radu, te da će ovo Ministarstvo nastaviti pružati punu podršku projektima i programima koji imaju za cilj unaprijeđenje položaja boračke populacije i ostvarivanje njihovih zakonskih prava.

PREDSTAVNICI TUŽILAŠTVA, POLICIJE I KANTONALNE INSPEKCIJE PRUŽILI PODRŠKU GRADONAČELNIKU SEDIĆU

“Zaštita Une je javni interes, oslobodit ćemo njene obale”

Elvedin Sedić, gradonačelnik Bihaća na posljednjoj sjednici Gradskog vijeća najavio je „oslobađanje Une od betona“ i pozvao vlasnike da to učine prije dolaska inspektora, a već nekoliko dana kasnije jedan od investitora, kod koga je zakazano rušenje podzida, sam je pristupio njegovom uklanjanju. Naredno izvršenje je sljedeće sedmice u Račiću

Na inicijativu bihaćkog gradonačelnika Elvedina Sedića održan je sastanak s predstavnicima Tužilaštva i Policije USK, Kantonalne i Gradske inspekcije, te direktorima Nacionalnog parka „Una“ i Komrada kako bi se definirali daljnji koraci i aktivnosti u vezi s rušenjem bespravno izgrađenih obaloutvrda na rijeci Uni.

Sastanak je nastavak aktivnosti koje je pokrenuo gradonačelnik Sedić nakon sve većeg broja pritužbi građana i sve vidljivijeg uništavanja obala rijeke Une. Na posljednjoj sjednici Gradskog vijeća najavio je „oslobađanje Une od betona“ i pozvao vlasnike da to učine prije dolaska inspektora, a već nekoliko dana kasnije jedan od investitora, kod koga je zakazano rušenje podzida, sam je pristupio njegovom uklanjanju. Naredno izvršenje je sljedeće sedmice u Račiću.

- Činjenica je da se ovom problematikom niko nije



ozbiljno bavio u posljednjih 20 i više godina i da je pred nama mnogo posla. Odlučni smo da s ovom pričom idemo do kraja, posebno kada govorimo o obali Une i betonu kojim je ona narušena. Ovo nije problem samo Grada i Gradske inspekcije, nego svih institucija u lancu odgovornosti, šire društvene zajednice i građana kojima Una znači život i egzistenciju. Svim narednim aktivnostima želi-

mo preventivno djelovati i u početku rušenjem osloboditi Unu od betoniranih stepenica, ograda i prilaza. Tražili smo asistenciju Policije, podršku Tužilaštva i sudstva u procesuiranju ovih krivičnih djela. U dosadašnjoj praksi se pokazalo da propisane sankcije za počinioce prekršaja i krivičnih djela nisu bile dovoljno efikasne. Sada smo u prilici da tražimo uvođenje novih krivičnih djela i oštrije

kazne, posebno za one koji nelegalno grade u zaštićenim područjima poput Nacionalnog parka. Samo na takav način možemo prevenirati sva buduća uništavanja Une, a zaključak današnjeg sastanka je da ćemo odlučnije pristupiti ovom problemu i obračunati se sa svima koji svjesno uništavaju obale, rekao je gradonačelnik Sedić.

Merima Mešanović, glavna kantonalna tužiteljica,

naglašava da je sastanak rezultat prošlosedmičnog susreta s gradonačelnikom i zajedničke inicijative da se sve relevantne institucije suoče s pitanjem bespravne gradnje.

- Mi ćemo, kao represivni organ, djelovati na način da procesuiramo sva krivična djela iz oblasti nelegalne gradnje te da ih, s obzirom na javni interes, stavimo u prioritet. Ovo se posebno odnosi na nelegalnu gradnju u zaštićenom području, preciznije u Nacionalnom parku, kazala je Mešanović.

- Policija USK će svakako biti dio podrške Gradu i inspektorima, u skladu sa svojim ovlaštenjima i poštujući sve odredbe instrukcije koja definiše uvjete pod kojima interveniramo i pružamo asistenciju u ovakvim slučajevima, rekao je tokom sastanka Amel Kozlica, direktor Policije Unsko-sanskog kantona.

Nacionalni park „Una“ je evidentirao sve objekte koji se nalaze uz obalu Une i

njene uzurpacije, a izvještaj se redovno dostavlja inspekcijama, rekao je, pored ostalog, direktor Alen Zulić podsjećajući da je prioritet u radu Parka upravo zaštita Une i njenih obala.

- Radi se o nelegalnim objektima kojima nije mjesto na obali Une. Zadirkuje me riješenost svih učesnika sastanka da se, zajedno s gradonačelnikom i Gradskom upravom, ozbiljno pozabave ovim pitanjem, kazao je Zulić.

Zaključci sastanka uglavnom se odnose na definiranje procedura i ulogu svake institucije zasebno u procesu rušenja obaloutvrda, iniciranje izmjena zakonskih propisa u kontekstu pooštavanja kazni za prekršioce, uvođenje novih krivičnih djela koja se odnose na gradnju u zaštićenim područjima, te sankcioniranje prijetnji ili onemogućavanja službenih lica da obavljaju svoj posao, saopćeno je iz Press službe Gradske uprave Bihać.

MINISTAR ALIJANOVIĆ U RADNOJ POSJETI CAZINU

Sredstva usmjeravati za projekte u najboljem interesu građana

Edvin Alijanović, ministar poljoprivrede, vodoprivrede i šumarstva u Vladi Unsko-sanskog kantona boravio je u radnoj posjeti Cazinu.

Na području grada Cazina u toku je realizacija nekoliko projekata koje sufinansira ovo Ministarstvo kroz grantove za projekte iz oblasti upravljanja vodama.

- Ovim programom Ministarstvo poljoprivrede, vodoprivrede i šumarstva podržava projekte koje kao prioritet delegiraju iz lokalnih zajednica. Saradnja sa lokalnim zajednicama od izuzetnog je značaja jer nam je cilj da usmjeravamo sredstva u projekte koji su u najboljem interesu naših građana. Za projekte u Cazinu, u okviru ovog programa, u 2025. godini izdvojeno je 120.000 KM, ističe ministar Alijanović koji je tokom posjete obišao i nekoliko radilišta u Cazinu.

Jedan od projekata je



čišćenje dijela vodotoka: Most Krivaja - Korito Mutnice, koji ovo Ministarstvo sufinansira sa 30.000 KM, projekat obuhvata čišćenje dijela vodotoka Krivaje Most Krivaja -Korito Mutnice u ukupnoj dužini od 2.132 metara kako bi se smanjilo prekomjerno zadržavanje voda u vrijeme obilnijih padavina i rizik

od plavljenja poljoprivrednih površina i stambeno-poslovnih objekata na tom području.

Sa 60.000 KM Ministarstvo je sufinansiralo dio radova na izgradnji kolektora za prikupljanje fekalnih voda, te sa 30.000 KM čišćenje dijela vodotoka Šturlove: Most Begiči-Seferagići u ukupnoj dužini od 1.937 metara.

PODRŽANA INICIJATIVA ZA REALIZACIJU PROJEKTA

Upravljanje čvrstim otpadom

Vlada Federacije Bosne i Hercegovine je, na prijedlog Federalnog ministarstva finansija, donijela Zaključak kojim podržava inicijativu da se osiguraju sredstva kod Svjetske banke - Međunarodne banke za obnovu i razvoj (IBRD) za realizaciju Projekta „Održivog upravljanja čvrstim otpadom“.

Projekt „Održivog upravljanja čvrstim otpadom“ obuhvata podprojekte: izgradnja Regionalne sanitarne deponije Trešnjica u Goraždu, proširenje Regionalne deponije Mošćanica u Zenici, razvoj sistema odvojenog prikupljanja posebnih kategorija otpada u Kantonu Sarajevo, te sanacija i zatvaranje postojeće gradske deponije komunalnog otpada „Uborak“ u naselju Vrapčići-Budevci u Mostaru, implementacija plana prilagođavanja regionalne deponije Uborak-Budevci u Mostaru izgradnjom prečištača procjednih voda, zatvaranjem i sanacijom postojećih ploha I, II i III i izgradnjom novih sanitarnih ploha IV i V.



Ovaj projekt uključuje i podprojekte: sanacija deponije Višnjik u Gradačcu i prilagođavanju regionalnom konceptu upravljanja otpadom, sanacija i zatvaranje deponije komunalnog otpada u Kalesiji, sanacija i prilagođavanje deponije regionalnom konceptu Medžre Vlaški do u Bosanskoj Krupi, te sanacija deponije Kruškovača u Bihaću.

Federalno ministarstvo finansija zaduženo je da ovaj zaključak dostavi Ministarstvu finansija i trezora BiH radi provođenja dalje procedure.

Projekt ima za cilj pružanje usluga upravljanja čvrstim otpadom i institucionalnog kapaciteta u BiH, uz olakšavanje prelaska na cirkularnu ekonomiju u većoj

mjeri. Nastavlja se na projekte koje je Svjetska banka ranije finansirala za unaprjeđenje sistema upravljanja čvrstim otpadom i prevazilaženje dugotrajno prisutnih nedostataka. Projekt će također doprinijeti zaštiti okoliša i povećanju otpornosti na klimatske promjene, što postaje sve značajnije, zbog osjetljivosti BiH na prirodne katastrofe uzrokovane klimatskim nepogodama, kao što su poplave, ekstremne vrućine i šumski požari. Procjenjuje se da će efektivno funkcioniranje sistema upravljanja čvrstim otpadom, kao javnog dobra biti od koristi za 1,2 miliona stanovnika, kroz čistiji okoliš, smanjenje rizika po zdravlje i bolje uslove života, saopćeno je iz Vlade Federacije BiH.

PREMA PODACIMA POREZNE UPRAVE
FEDERACIJE BOSNE I HERCEGOVINE

Najveći pad zaposlenosti na početku pandemije i u prvih osam mjeseci ove godine



Prema podacima Porezne uprave Federacije Bosne i Hercegovine, objavljenim ovih dana, u prvih osam mjeseci ove godine došlo je do značajnog pada zaposlenosti u ovom bh. entitetu. Do tada najveći pad zaposlenosti zabilježen je 2020. godine u vrijeme pandemije COVID-19.

Na kraju augusta ove godine broj uposlenih u F BiH je iznosio 541.921 što je za 9.531 manje nego u 2024. Iz Porezne uprave F BiH navode kako je najveći pad zaposlenih zabilježen u sektoru obrazovanja gdje je veliki broj prosvjetnih radnika angažiran na određeno.

Iz informacije Porezne uprave F BiH vidljivo je da je u periodu od 2014. do 2020. godine trend zaposlenosti bio u uzlaznoj putanji. Prosječno, na kraju svake godine je bilo oko 10.000 više zaposlenih u odnosu na prethodnu godinu.

Periodični pad zaposlenosti

U posljednjih 12 godina, računajući i podatke iz ove godine, najveći rast zaposlenosti zabilježen je na kraju 2016. kada je broj zaposlenih iznosio 503.971 i bio je veći za 18.031 u odnosu na kraj 2015. godine. Do najvećeg pada broja zaposlenih došlo je tokom prve godine pandemije COVID-19, tj. 2020. godine kada se u odnosu na kraj 2019. broj zaposlenih smanjio za 15.252 osobe i

Kao razlozi se navode mjere ograničenog kretanja u pandemijskoj 2020. godini, te odluke Vlade F BiH o povećanju minimalne plaće od početka ove godine sa 619 na 1.000 KM i izglasavanje neradne nedjelje

U Službi za zapošljavanje Unsko-sanskog kantona ističu da mjere Vlade F BiH nisu imale negativan odraz na zaposlenost u našem kantonu



iznosio je 520.493. S obzirom na mjere koje su donosene za vrijeme pandemije, a koje su pogodile poduzeća zbog ograničenja kretanja, otežanog transporta roba i usluga, brojne firme su smanjivale broj radnika, otkazivale ugovore o radu pa je ovaj pad i očekivan. Pandemija je pogodila cijelu svjetsku ekonomiju.

Naredne četiri godine postepeno se povećavao broj zaposlenih u Federaciji BiH pa je tako krajem 2021. godine bilo 533.034 zaposlenih što je bilo povećanje od 12.514 u odnosu na pandemijsku 2020. godinu.

Onda je uslijedio umjereni rast broja zaposlenih naredne tri godine. Na kraju 2022. broj zaposlenih je bio 538.312, u 2023. 544.345, a na kraju 2024. godine 551.452 zaposlenih.

Stupanjem na snagu odluke o zabrani rada nedjeljom u trgovinama u Federaciji BiH krajem novembra 2024. godine, krenuo je pad broja zaposlenih u sektoru trgovine. Od januara ove godine je povećana minimalna plaća sa 619 na 1.000 KM, bez prethodnog smanjenja doprinosa što je također izazvalo pad broja zaposlenih u F BiH i to jasno pokazuju mjesečni izvještaji Porezne uprave F BiH u prva četiri mjeseca ove godine. Blagi rast zaposlenih je bio u maju i junu mjesecu, a zatim ponovo pad. Na kraju augusta 2025.

broj zaposlenih u F BiH je iznosio 541.921. što je u odnosu na proteklu godinu pad od 9.531 osobe.

Prema podacima Federalnog ministarstva financija Porezne uprave F BiH (podaci za august ove godine) na području Unsko-sanskog kantona radilo je ukupno 38.592 radnika, dok je u istom periodu na evidenciji nezaposlenih bilo 25.956 lica. Stopa zaposlenosti u Unsko-sanskom kantonu iznosila je 21,86 posto, a nezaposlenosti 40,21 posto i bilježi tendenciju laganog rasta.

Služba za zapošljavanje Unsko-sanskog kantona je prikupila podatke na osnovu činjenica sa terena kada je u pitanju rad i zapošljavanje nakon 31. decembra 2024. godine kada je Vlada F BiH usvojila odluku o povećanju minimalne plaće sa 619 na 1.000 KM. Prema dobivenim podacima, povećanje iznosa minimalne plaće nije uzrokovalo pad zaposlenosti na području USK.

- Prema našim podacima u decembru 2024. godine na području USK broj zaposlenih je iznosio 38.046 radnika. Prema narednim mjesečnim izvještajima taj broj nikad nije bio manji što znači da povećanje minimalne plaće nije imalo značajnog utjecaja na zapošljavanje u USK. Mogu slobodno reći da Služba za zapošljavanje USK ima velikog doprinosa tome jer smo putem subvencija na području USK kroz ovu godinu po osnovu rada i zapošl-

javanja obezbijedili negdje oko 10 miliona KM. Putem naše aktivne politike zapošljavanja zaposlili smo negdje oko 1.200 radnika sa područja USK. Na kraju 2024. godine imali smo 29.000 nezaposlenih dok u augustu ove godine imamo 26.000, što je manje za oko 3.000 što ukazuje na smanjenu nezaposlenost u prvih osam mjeseci ove godine. Tu treba imati u vidu i starosnu strukturu prijavljenih na evidenciji ove službe. Od 60 do 65 godina starosti na evidenciji nezaposlenih trenutno je 2.079 lica, od 55 do 59 godina starosti 2.011 lica a ukupan broj nevalificiranih lica iznosi 11.814. Mi i dalje kroz razne projekte nastojimo izvući što više iz ove kategorije koja je bez ikakve kvalifikacije a još su radno sposobni, da kroz određena doškolovanja dođu do nekog zanimanja koje će im pomoći da lakše dođu do adekvatnog radnog mjesta, ističe Jasmin Prošić, stručni saradnik u Službi za zapošljavanje Unsko-sanskog kantona.

Brojne mogućnosti za doškolovanje

Obzirom da se najavljuje promjena Zakona o penzijsko-invalidskom osiguranju i da će visina penzije ovisiti od dužine trajanja radnog staža što je sasvim korektno u Službi za zapošljavanje očekuju da će i to doprinijeti smanjenju stope nezaposlenosti.

Kada je pitanju zaposlenost u USK ona trenutno



iznosi 38.805 radnika sa prebivalištem osiguranog lica na području Unsko-sanskog kantona. Uvođenjem ETIAS-a, koji je planiran naredne godine, očekuje se još bolja situacija, kada će se deidentirati migracije i kretanje radno-

sposobnih lica sa područja kantona na područje EU. Ono što svake godine u određenim vremenskim intervalima primjetno dovodi do rasta nezaposlenosti su periodi završetka srednjih škola kada se veliki broj mladih,

koji ne nastavljaju daljnje školovanje, prijavljuje na biro rada. Otprilike su to i periodi kada brojnim prosvjetnim radnicima ističu ugovori o radu na određeno vrijeme. Slijede periodi kada završavaju sezonski poslovi u

turizmu i građevinarstvu.

- Sve su to uzročnici bilo rasta ili pada zaposlenosti, a da je uzrok rast minimalne plaće od početka ove godine, to zaista nije imalo negativan utjecaj na USK. Mi smo mala zemlja, ekonomski oslonjena najvećim dijelom na EU i naravno da kada se u nekoj od država sa kojima imamo razvijenije privredne tokove, desi neka mala nestabilnost kod nas to proizvede veliki val negativnih posljedica pa i pad zaposlenosti. Ja se nadam u narednom periodu, kada je u pitanju odlazak naših građana na rad u inozemstvo, da će ubuduće toga biti sve manje. Već ove godine smo imali veći broj povratnika naših građana iz inozemstva nego odlazaka, što je za nas dobro jer i ovdje ima prostora za rad ko želi raditi. Mi ih kroz poticajne mjere podržavamo u realizaciji njihovih zahtjeva za otvaranjem obrta, samostalnih djelatnosti gdje primjenjuju praksu stečenu radeći u inozemstvu i to je segment koji treba podržati. Na taj način oni sebi ili određenom broju lica sa evidencije Službe za zapošljavanje osiguravaju radno mjesto, ovdje plaćaju doprinose i takve projekte treba podržati. Ono na što bih htio još ukazati jest činjenica da na području Unsko-sanskog kantona imamo 19 institucija koje se bave obrazovanjem odraslih osoba prema Zakonu koji tretira

ovu oblast. Znači velika većina od ovih 11.000 nekvalifikovanih lica ima mogućnost za obrazovanje i stjecanje nekog zvanja. Imamo razne kurseve u trajanju od tri do pet mjeseci, imamo plan zapošljavanja i u razgovoru s njima otkrivamo da dosta njih ima raznih vještina za neke poslove. Nastojimo da ih uputimo da se obrazuju kako bi stekli neko zanimanje što im onda omogućava izlazak na tržište rada i zasnivanje radnog odnosa u struci. U najavi je promjena Zakona o radu F BiH gdje će radnik morati biti primljen na neodređeno vrijeme i to će dati određenu sigurnost radniku. Dakle činimo sve da se zaposlenost poveća, ne samo u USK, već i u cijeloj Federaciji, ističe Prošić.

Brisanje s evidencije nezaposlenih nakon odbijanja ponuđenog posla

Postoje i mjere koje se provode kada je u pitanju brisanje određenog broja lica sa evidencije nezaposlenih. U pitanju su lica kojima je Služba za zapošljavanje ponudila neki posao, ali su isti odbili i ta lica se, prema važećim zakonskim propisima brišu sa evidencije. - Jednom kada odbije odgovarajući posao a koji mu garantuje realna primanja briše se sa evidencije za zapošljavanje. Moja je preporuka

svakom nezaposlenom licu a posebno mladim ljudima, da prihvate ponudu za posao i kroz rad traže svoja prava. Također redovno dobijamo izvještaje od inspekcije o zatečenim radnicima na radu na crno, s imenom i prezimenom. Poslodavac bude kažnjen za zapošljavanje radnika na crno, a lica koja su zatečena da rade na crno a nalaze se na evidenciji Službe za zapošljavanje se brišu i ostaju bez svih prava koja su imala. Međutim zakonom je dozvoljeno da se ta osoba već sutra može prijaviti na biro rada ali gubi prava koja je imao prije. Zaključak je da sve dok nam svima ne pro-radi kolektivna svijest imat ćemo probleme koje imamo dugi niz godina. Sistem mora profunkcionirati a to znači da ne smije biti rada na crno, isplate dijela plaće u gotovini, uplate minimalnih doprinosa što ide direktno na štetu radnika pri odlasku u penziju niz drugih radnji koje su protuzakonite zarad lične koristi pojedinaca. Bosna i Hercegovina jeste mala zemlja ali ima bogate resurse, vrijedne ljude koji kada ih poslodavac poštuje i plati korektno za njihov rad, to cijene. Nama još uvijek fali upravo tog poštovanja radnika. Kada toga bude, biće bolje za sve i za pojedinca i društvo u cjelini, ističe Prošić.

N. Pirić

NAČELNIK HORVAT KOD PREMIJERA RUŽNIĆA U fokusu projekti za boljitak Velike Kladuše

Boris Horvat, načelnik Velike Kladuše sa savjetnikom Fuadom Sulejmanagićem, boravio je u prvoj službenoj posjeti premijeru Unsko-sanskog kantona Mustafi Ružniću, te mu uputio čestitke na imenovanju. U razgovoru, u kojem je sudjelovao i Edvin Odošević, ministar za građenje, prostorno uređenje i zaštitu okoliša, sugovornici su bili saglasni da će zajednički uložiti napor da se pokrenu i realiziraju projekti koji će doprinijeti razvoju Velike Kladuše i poboljšanju kvaliteta života građana.



SVI NIVOI VLASTI FEDERACIJE BIH U PRVIH ŠEST MJESECI OVE GODINE OSTVARILI Pozitivan finansijski rezultat u iznosu od 624,6 miliona KM

Na prijedlog Federalnog ministarstva finansija Vlada Federacije Bosne i Hercegovine upoznala se sa Konsolidovanim izvještajem o izvršenju budžeta Federacije Bosne i Hercegovine, kantona Federacije BiH, općina Federacije BiH i finansijskih planova vanbudžetskih fondova Federacije BiH za period januar-juni 2025. godine. Za period januar - juni 2025. godine svi nivoi vlasti Federacije Bosne i Hercegovine ostvarili su pozitivan finansijski rezultat u iznosu od 624,6 miliona KM.



U istom periodu prošle godine također je ostvaren pozitivan finansijski rezultat u iznosu od 403 miliona KM. Gledano pojedinačno, svaki nivo vlasti u Federaciji BiH u izvještajnom periodu ostvario je pozitivan finansi-

jski rezultat, i to: Federacija Bosne i Hercegovine 232,9 miliona KM, kantoni 134,4 miliona KM, te općine 187,2 miliona KM i vanbudžetski fondovi Federacije BiH 70,1 milion KM, saopćeno je iz Vlade Federacije BiH.

 BIHAĆ, Ul. 502. viteške brigade bb	Redakcija: +387 37 228-420: RFS: +387 37 226-488 Sekretarica: +387 37 226-485	<i>List je registrovan kod Ministarstva obrazovanja, nauke, kulture i sporta F BiH pod brojem 563/96.</i>	ŠTAMPA: N.I.G.D. DNEVNE NEZAVISNE NOVINE d.o.o. Banja Luka
Izdavač: JP "UNSKO-SANSKE NOVINE" d.o.o.	Redakcijski kolegij: Sanela Pašagić i Osman Delić	Registarski broj: 4263024120002	Račun broj: 3385002200568303 UniCredit Zagrebačka banka d.d.
Direktorica: Jasmina Dujmović Izvršna direktorica: Sanela Pašagić		PDV broj: 263024120002	Cijena 1 KM, za inostranstvo dvostruko plus PTT troškovi.
novinari: Nermine Pirić, Sanela Pašagić, Edin Alagić, Niha Džanić Ninski, Fahrudin Vojić	DTP: Osman Delić, Antonija Durić i Hilmiya Hrnjić		

U BUDŽETU FEDERACIJE BIH IZDVOJENO

Dva miliona KM za jačanje socijalnih usluga vaninstitucionalne brige

Adnan Delić, federalni ministar rada i socijalne politike, u petak, 26. septembra potpisao je ugovore o dodjeli sredstava iz transfera za podršku razvoju i jačanju socijalnih usluga vaninstitucionalne brige.

Za ovu namjenu iz Budžeta Federacije BiH izdvojeno je skoro dva miliona KM, a sredstva su usmjerena na više od 40 organizacija i ustanova koje svakodnevno pružaju podršku najugroženijim građanima Federacije BiH.

Podrška je osigurana širokom spektru organizacija koje svojim radom doprinose humanijem društvu i snažnijem sistemu socijalne zaštite: Crveni križ grada Tuzla, Crveni križ grada Živinice, Udruženje "Zajedno pod krilima" iz Velike Kladuše, Crveni križ općine Donji Vakuf, Omladinsko udru-

ženje "Dobro djelo" iz Sarajeva, Udruženje "Sunce" iz Mostara, Crveni križ grada Mostara, Humanitarna organizacija "Međunarodni forum solidarnosti – EMMAUS" iz Doboj Istoka, Udruženje "Ruka podrške" iz Hadžića, Udruženje "Colibri" iz Sarajeva, humanitarna organizacija "SOS Kinderdorf International", Crveni križ grada Lukavca, Udruženje "Žene sa Une" iz Bihaća, Edukacijsko-rehabilitacijski centar za djecu, mlade i odrasle osobe sa teškoćama u razvoju općine Ljubuški, Humanitarna organizacija "Merhamet" RO Zenica, Kantonalno udruženje roditelja osoba sa cerebralnom paralizom "Dlan" Zenica, Humanitarna organizacija "Merhamet" RO Sarajevo, SUMERO centar za podršku osobama s invaliditetom u zajednici, Udruženje "Leptir"



iz Bugojna, Udruženje "Sreća za sve" iz Travnika, Edukacijsko-rehabilitacijski centar "Buđenje" iz Goražda, Centar "Koraci nade" iz Tuzle, Udruženje "Oaza" iz Sarajeva, Udruženje "Hrabro srce" iz Tuzle, Dom za djecu "Marija – naša nada" iz Širokog Brijega, Udruženje "Partnersvo za javno zdravlje", Edukacijsko-rehabilitacijski centar "Sveti Josip Radnik" iz Čitluka, Udruženje "Mala sirena" iz Zavidovića, Edu-

kacijsko-rehabilitacijski centar "Duga" iz Novog Travnika, Udruženje "Guardian" iz Sarajeva, Informativni centar za osobe sa invaliditetom "Lotos" Tuzla, JU "Penzionerski dom sa stacionarom" Zenica, Centar "Vrati mi osmijeh" iz Živinice, Udruga "Srce za bližnje" iz Sarajeva, Udruženje "Dajte nam šansu", JU Centar za djecu i odrasle osobe s posebnim potrebama Zeničko-dobojskog kantona, Ustanova so-

cialne zaštite "Hilfswerk kuća podrške", Fondacija "Second", Asocijacija "Pontem" iz Zenice, Edukacijsko-rehabilitacijski centar "Ivan Pavao II" iz Gruda, Ustanova za socijalno zbrinjavanje i zdravstvenu njegu "Bakovići", Udruženje "Zemlja djece u BiH" iz Tuzle, Humanitarna udruga "Pruži mi ruku" iz Ljubuškog i Udruga "Moneo" – navodi se u saopćenju Ministarstva.

Ministar Delić je ovom prilikom ukazao na značaj ljudi i

organizacija koje pružaju pomoć najpotrebnijima.

Ovim transferom pokazujemo da je snaga naše zajednice u ljudima i organizacijama koji svakodnevno pružaju ruku podrške onima kojima je to najpotrebnije. Ovo je značajna finansijska podrška, ali i ulaganje u dostojanstvo, jednakost i prilike za organizaciju usluga u zajednici koje sprječavaju zbrinjavanje naših najranjivih građana u institucije trajnog zbrinjavanja, istakao je ovom prilikom ministar Delić.

Podrška ovim projektima prepoznata je i u Strategiji razvoja sistema socijalne i dječije zaštite u Federaciji BiH, kojom je jasno naglašena važnost jačanja socijalnih usluga u zajednici i širenja mreže vaninstitucionalne brige, saopćeno je iz Federalnog ministarstva rada i socijalne politike.

MINISTARSTVO OBRAZOVANJA I NAUKE FBiH

Više od milion KM podrške obrazovanju u 2025. godini

Kroz osam programskih linija podržano je više desetina projekata koji su usmjereni na jačanje inkluzivnosti, digitalizaciju i modernizaciju nastave, promociju zdravih stilova života, prevenciju nasilja, stručno usavršavanje nastavnika, te razvoj medijske pismenosti i društvene odgovornosti

Federalno ministarstvo obrazovanja i nauke završilo je procedure Javnog poziva usmjerenog na podršku unaprijeđenju predškolskog, osnovnog i srednjeg obrazovanja u Federaciji BiH u 2025. godini.

Kroz osam programskih linija podržano je više desetina projekata u vrijednosti većoj od 1.010.000 KM. Ovi projekti usmjereni su na jačanje inkluzivnosti, digitalizaciju i modernizaciju nastave, promociju zdravih stilova života, prevenciju nasilja, stručno usavršavanje nastavnika, te razvoj medijske pismenosti i društvene odgovornosti.

Prema riječima Jasne Duraković, resorne federalne ministricе, obaveza ovog Ministarstva je osigurati da svako dijete i svaki mladi čovjek u Federaciji BiH ima priliku za kvalitetno obrazovanje i sigurno odrastanje. Kroz ove programe se ulaže u inkluzivnost, inovacije i znanja koja će generacije naših učenika pri-



Jasna Duraković, ministrica obrazovanja i nauke

premiti za izazove budućnosti. Ovo je ulaganje u djecu, obrazovne institucije i u društvo u cjelini.

Kako navode iz Ministarstva, podržani projekti obrazovnih ustanova i organizacija će doprinijeti unaprijeđenju uvjeta rada i uvođenju inovativnih sadržaja, pri čemu je posebna pažnja usmjerena na inkluziju u vrtićima i školama, modernizaciju kabineta i učionica, jačanje nastavničkih kompetencija i promociju zdravih životnih navika među djecom i mladima. Značajan dio sredstava namijenjen je i

prevenciji nasilja, te razvoju medijske pismenosti, s ciljem poticanja mladih da aktivno sudjeluju u izgradnji sigurnog i tolerantnijeg društva.

Pored toga, kroz Stalni javni poziv za podršku takmičenjima i takmičarskim manifestacijama, Ministarstvo je dodatno izdvojilo blizu 44.000 KM za sedam projekata, uključujući organizaciju matematičkih i programerskih takmičenja, te manifestacije iz oblasti robotike, fizike i drugih disciplina, navodi se u saopćenju ovog ministarstva.

FEDERALNO MINISTARSTVO ENERGIJE, RUDARSTVA I INDUSTRIJE

Za uvezivanje radnog staža osigurano 3,5 miliona KM

Vlada FBiH je obezbijedila sredstva za sveobuhvatan i pravedan pristup za radnike iz javnog i privatnog sektora

Iz Federalnog ministarstva energije, rudarstva i industrije je saopćeno da je osigurano 3,5 miliona KM za uvezivanje radnog staža. Programe utroška sredstava za uvezivanje radnog staža je, na prijedlog ovog ministarstva, usvojila Vlada Federacije BiH. Na ovaj način su Vlada Federacije BiH i Ministarstvo još jednom pokazali da im je zaštita radnika i očuvanje njihovog dostojanstva jedan od ključnih prioriteta. Također, usvajanjem ovih programa pružena je snažna podrška radnicima koji su godinama čekali ostvarivanje svojih prava.

Prema riječima Vedrana Lakića, federalnog ministra energije, rudarstva i industrije, ovim potezom poslana je jasna poruka da nijedan radnik neće biti zaboravljen i da će dostojanstvo svakog čovjeka biti zaštićeno. Vlada Federacije BiH, na čelu sa premijerom Nerminom Nikšićem i resorno federalno ministarstvo, pokazuju da reformske politike u energetici, industriji i



Vedran Lakić, ministar energije, rudarstva i industrije

rudarstvu nisu samo razvojni i investicijski projekti, već i briga za ljude, za radnike koji su temelj društva i privrede.

U saopćenju Ministarstva navode da su usvojenim programom osigurana sredstva za uvezivanje radnog staža i omogućavanje penzionisanja radnicima kojima poslodavci nisu uplaćivali doprinose tokom radnog vijeka. Dodaju da na taj način država ispravlja dugogodišnje nepravde i vraća povjerenje u institucije, potvrđujući da nijedan radnik ne smije biti prepušten sam sebi.

Vlada Federacije BiH je obezbijedila sredstva za sve-

obuhvatan i pravedan pristup za radnike iz oba sektora, javnog i privatnog. Kroz Budžet Federacije BiH za 2025. godinu obezbijedeno je 2,5 miliona KM za subvencije javnim preduzećima. Dodatno je usvojen i Program subvencija za privatna preduzeća i poduzetnike u iznosu od oko 800 hiljada KM. Obuhvatajući radnike iz javnog i privatnog sektora potvrđen je pravedan i sveobuhvatan pristup ovom pitanju, koji dokazuje da se reformske politike provode u interesu građana, a posebno u interesu onih kojima je pomoć države najpotrebnija.

GRAD BIHAĆ U SURADNJI SA SAVEZOM OPĆINA I GRADOVA FBiH



Organizirana radionica o CAF modelu

Grad Bihać je, u saradnji sa Savezom općina i gradova FBiH, organizirao radionicu razmjene znanja među jedinicama lokalne samouprave o Europskom modelu za unaprjeđenje javnih organizacija kroz samoprocjenu (CAF).

Pomoćnica gradonačelnika i koordinatorica CAF tima Grada Bihaća, Dijana Bišćević, predstavila je kolegama iz drugih općina

i gradova značaj CAF-a, njegove prednosti za lokalnu samoupravu, načine primjene i promocije rezultata, kao i uslove za pribavljanje certifikata „CAF Effective User“ od Regionalne škole za javnu upravu (ReSPA).

- Grad Bihać je prva jedinica lokalne samouprave u Bosni i Hercegovini koja je, nakon uspješne primjene CAF-a, postala do-

bitnik certifikata izvrsnosti. Upravo zbog toga, cilj nam je da Bihać bude primjer izvrsnosti te da, kroz razmjenu iskustava, pomognemo i drugim općinama i gradovima da unaprijede svoj rad, na korist i zadovoljstvo građana, kazala je Dijana Bišćević.

Ova radionica realizirana je u okviru projekta „Otključavanje izvrsnosti: Važnost CAF-a za lokalne

vlasti u BiH, u lokalnoj administraciji“, podržanog od Projekta općinskog okolišnog upravljanja (MEG), te financiranog od Ambasade Švicarske, Ambasade Švedske, Ambasade Republike Češke i Evropske unije u BiH, a implementiranog od UN-DP-a u saradnji sa Savezom općina i gradova FBiH, saopćeno je iz Press službe Gradske uprave Bihać.

VLADA FEDERACIJE BIH

Ukupan dug u drugom kvartalu manji za 25,8 miliona KM



Vlada Federacije Bosne i Hercegovine, na prijedlog Federalnog ministarstva finansija, upoznala se Kvartalnim izvještajem o dugu za drugi kvartal ove godine (Q2/2025).

Prema ovom izvještaju ukupan dug kojim upravlja Federalno ministarstvo finansija/finansija na dan 30.6.-2025. godine iznosio je 6.415.480.670 KM i manji je od duga u prethodnom kvartalu nominalno za 25.802.585 KM.

Usvojenim zaključkom

zaduženo je Federalno ministarstvo finansija da Kvartalni izvještaj o dugu Q2/2025 godine objavi na web stranici Federalnog ministarstva finansija, a Generalni sekretarijat Vlade Federacije Bosne i Hercegovine da Kvartalni izvještaj o dugu Q2/2025 godine proslijedi Parlamentu Federacije Bosne i Hercegovine radi informiranja.

Inače, između ostalog, u izvještaju je navedeno da vanjski dug kojim upravlja Federalno ministarstvo fina-

nsija/finansija je dug nastao u skladu sa Zakonom o dugu, zaduživanju i garancijama u Federaciji Bosne i Hercegovine, a obuhvata direktni vanjski dug Federacije BiH i vanjski dug koji je ugovorila Federacija BiH radi supsidijarnog proučavanja krajnjim korisnicima (finansijskim institucijama, javnim kompanijama, kantonima i lokalnim zajednicama), odnosno relevantni dug, saopćeno je iz Vlade Federacije Bosne i Hercegovine.

PRIVREDNA KOMORA UNSKO - SANSKOG KANTONA

Edukacija za predstavnike malih

i srednjih preduzeća

Privredna/Gospodarska komora Federacije Bosne i Hercegovine u saradnji s Privrednom komorom Unsko-sanskog kantona, te uz podršku projekta „Unaprjeđenje usvajanja Industrije 4.0 i uvođenje međunarodnih standarda održivosti“ kojeg provodi Razvojni program Ujedinjenih nacija (UNDP), poziva predstavnike malih i srednjih poduzeća na besplatnu edukaciju sa ciljem



PETO

GODIŠNJE DOBA

NIHA ^{Džanić} NINSKI

Smjena istijih, cirkus bez kraja

Kažu da se politička scena mijenja, da dolaze nova lica. A mi, naivni, svake godine čekamo da se na tom karnevalu pojavi neko koga nismo već gledali u prethodnih deset sezona. Ali džaba, na našoj političkoj sceni nema novih glumaca. Ima samo novih maski. Kod nas smjena znači: isti lik u novom odijelu, isti govor u novoj sali, isti narod u staroj mucu. Oni se rotiraju na funkcijama kao da igraju „muzičke stolice“. Samo što kod njih stolica nikad ne nestaje, uvijek ima dovoljno fotelja za sve njihove guzice. A i ako nestane, izmisle „agenciju za koordinaciju ničega“, pa opet svi zaposleni. Narodu se, naravno, prodaje priča o velikom preokretu. U naslovima: „Smijenjen dugogodišnji kadar, dolaze novi ljudi.“ Novi? Novi su samo podočnjaci i bore. Novi je jedino logo partije, sve osta-

lo, ista pjesma, drugi refren. To vam je kao kad mijenjaš točak na automobilu, a auto nema motor. U međuvremenu, klimatske promjene nam se smiju. Globalno grmi i puca, a mi se radujemo kad zahlti jer mislimo da smo pobijedili klimatsku krizu. Kao da smo mi ovdje u Bosni i Hercegovini glavni pregovarači sa svemirom. A Dodik? E, njega kad pitaš za smjene, on odmah pomisli na bombe. Njemu se po hodnicima vile šuljaju fantomi, svaka sjena je dron, svaka cijev od grijanja je mina. Čovjek živi u vlastitom horor filmu, samo što horor nije fikcija nego dosjei i sankcije što mu vise nad glavom. I zato, kad čuješ da je „smijenjen stari kadar“, ne uzbuđuj se. To nije promjena. To je repriza, a repriza kod nas traje tri decenije. Publika se već razilazi, ali cirkus ostaje. A klaunovi, e oni su vječni.



aktualnosti


FELJTON: KRAJIŠKI PRVACI PREGALAŠTVA

Milan Smiljanić – život posvećen Bihaću

U okviru feljtona „Krajiški prvaci pregalaštva“ razgovaramo s Milanom Smiljanićem, diplomiranim inženjerom arhitekture iz Bihaća, koji je cijeli svoj radni vijek proveo u službi grada i njegovih ljudi. Kao dugogodišnji uposlenik Općine Bihać, bio je uključen u brojne projekte prostornog planiranja i urbanog razvoja, ostavljajući neizbrisiv trag u arhitektonskoj slici i infrastrukturi grada na Uni. Danas u penziji, s vremenskim odmakom i životnim iskustvom, Smiljanić otvara svoju životnu biografiju za feljton „Krajiški prvaci pregalaštva“, prisjećajući se djetinjstva, školovanja, profesionalnih izazova i vrijednosti koje su ga vodile kroz život.

KRAJINA: Gdje ste rođeni i odrasli? Kako pamтите svoje djetinjstvo i ko je najviše utjecao na Vaše odrastanje i oblikovanje životnih vrijednosti?

Smiljanić: Rođen sam u Bosanskom Petrovcu. U Bihać sam došao s roditeljima 1946. godine i od tada neprekidno živim ovdje. Zato se osjećam i kao Bišćanin i kao Bosa-nac, a u Petrovac sam rijetko odla-zio jer tamo više nisam imao rodbine. Kada sam imao svega mjesec dana, preselili smo u Srbiju, budući da je moj otac Ljubomir, nakon Drugog svjetskog rata, bio postavljen za šefa ureda za katastar. Jedno vrijeme je radio i u opštini. Inače, bio je strastveni lovac, pa sam i ja nekoliko puta s njim odlazio u lov. U to vrijeme bilo je uobičajeno da radnici iz Bosne i Hercegovine odlaze na službe u Srbiju ili Hrvatsku, a da iz tih krajeva dola-ze ljudi u Bosnu. Moj otac je tako otišao u Srbiju, u mjesto Srbobran kod Novog Sada, odakle potječe moja majka i gdje su moja braća rođena. Nakon rata, 1946. godine, vratili smo se u Bihać. Tada je otac ponovo radio na poslovima šefa katastra u Opštini Bihać. U periodu kada se formira ličnost, na mene su najviše utjecali moji profesori u Gimnaziji. To su bili ljudi kakvih, uvjeren sam, nikada više neće biti u Bihaću. Najveće spoznaje koje sam ponio iz tog vremena zaslužni su upravo oni – od direktora Veršića, preko moje razrednice Almase Kolaković, koja mi je pet godina bila razrednik, do drugih profesora. Osim toga, u porodici sam odgajan i kao Bišćanin i kao Bosanac, i kada sam kasnije studirao u Beogradu, svojim kole-gama sam bio upravo to – Bosa-nac, i bio sam na neki način pono-san na to. U Gimnaziji sam bio jedan od najboljih matematičara, matematika mi je išla izuzetno dobro, pa sam i diplomski, odnosno maturski rad radio upravo iz matematike. Već početkom gimnazije sam sebe ubjeđivao da tre-



bam studirati neku od tehničkih oblasti, gdje ću moći doći do izražaja i kroz matematiku i kroz druge srodne predmete. Tako da mogu slobodno reći kako sam bar dvije-tri godine prije završetka gimnazije već bio odlučio da idem na arhitektonski fakultet.

KRAJINA: Kako pamтите mladost i studentske dane?


Smiljanić: Osnovnu školu i gimnaziju završio sam u Bihaću. U gimnaziji sam bio jedan od najboljih đaka tog vremena. Što je interesantno za naše generacije, mi smo se družili, bili smo zajedno, igrali se, čak i tukli, ali smo bili dobri što na žalost ne možemo kazati za ove današnje generacije. Po završetku gimnazije išao sam na omladinske radne akcije, na nekim od njih bio sam i udarnik. Ljeti kolektivno mi drugovi, išli smo na ljetovanje u Kaštel-Gomilicu gdje je naš Ferijalni savez imao ljetovalište. S tim da sam četiri-pet godina bio i u upravi tog ljetovališta. Na žalost, iako je to ljetovalište bilo bihaćko, vreme je učinilo svoje taj prostor preuzme neko drugi i da Bihać sa tim nema ništa. U vojsci sam odlikovan sa medaljom za vojničke vrline i bio sam u Beogradu na Arhitektonskom fakultetu. Kad sam završio fakultet 1970. godine bio sam prvi Bišćanin koji je posle Drugog svjetskog rata završio Arhitektonski fakultet. A isto tako prvi arhi-tekta koji je počeo rati u

sora, naravno to se odnosi na profesora Bogdana Bogdanovića, koji je na moju molbu osamdesetih godina prihvatio da projektuje i učestvuje u izgradnji spomen-parka žrtava fašističkog terora na Garavicama. Interesantno, on je angažirao klesare iz Bihaća jer njegovi klesari s kojima je on ranije radio nisu navikli na mekan kamen kao što je bihacit i to je na kraju dobro ispalo. Bilo je pritisa na njega da se na spomen-ploči napiše broj žrtava, međutim on je to odbio i na spomen-ploči u podnožju spomen-parka on je samo napisao par riječi kojim se veliča život.

KRAJINA: Kako je izgledao Vaš dolazak u Općinu Bihać i prvi radni zadaci koje ste obavljali? Na koje ste projekte posebno ponosni i koji su, po Vašem mišljenju, ostavili najveći trag u razvoju Bihaća?

Smiljanić: Ove aktivnosti vezane za moj radni vijek neću uvijek iznositi redoslijedom, nego onako kako mi dolaze u sjećanje. Deset dana nakon diplomiranja, 1. aprila 1970. godine, počeo sam raditi u organima uprave Općine Bihać. Već nakon godinu dana formirali smo Zavod za urbanizam općine Bihać, na čijem sam čelu bio ja. U tom periodu najvažniji posao bio je izrada Urbanističkog plana grada Bihaća, koji smo radili zajedno – Urbanistički institut iz Hrvatske i naš Zavod za urbanizam. Kao arhitekta sam i direktno učestvovao u izradi tog plana. Sjećam se da sam u to vrijeme prvi put dao intervju za televiziju, negdje 1975. ili 1976. godine, kada sam posebno naglašavao ulogu zaštite i očuvanja obala rijeke Une kroz područje grada Bihaća. Početkom 1980-ih godina formirali smo Samoupravnu interesnu zajednicu za komu-

nalne djelatnosti, u kojoj sam bio sekretar dvije-tri godine. Jedan od glavnih poslova u okviru te zajednice bio je donošenje programa izgradnje magistralne kanalizacijske mreže i početak radova na njenoj izgradnji. Nakon dvadesetak i više godina rezultiralo je time da je Bihać postao jedan od prvih gradova u Bosni i Hercegovini koji je riješio odvodnju i prečišćavanje otpadnih voda. Sjećam se da sam na početku tih radova lično otvorio gradilište magistralne kanalizacione mreže. Nakon toga, 1982. godine, otišao sam za direktora Građevinskog preduzeća „Izgradnja“. U tom trenutku preduzeće je bilo na izdisaju, i što je bilo interesantno – niko u Bihaću nije htio preuzeti funkciju direktora. Na kraju sam ja odlučio prihvatiti, razmišljajući da je stanje u preduzeću takvo da ne može biti gore, nego samo bolje. Te godine smatram možda i najljepšim u svom životu, iako su bile ujedno i najteže. Za četiri godine, koliko sam bio direktor „Izgradnje“, uspio sam sa svojim saradnicima da firmu „izvučemo iz pepela“ i da počne pozitivno poslovati. U tom periodu „Izgradnja“ je realizirala više važnih objekata na području opštine Bihać: Dom zdravlja, fabriku „Gorenje“, Mljekaru, stambenu izgradnju u naseljima Žmirići 1 i 2, robnu kuću u Cazinu, farmu goveda u Kalatima i još niz drugih, većih i manjih objekata. Danas mi je žao što „Izgradnje“ više nema, a u moje vrijeme to preduzeće imalo je više od 800 radnika i bilo vodeća građevinska firma na području ove regije. Bihać je tada imao više 1.500 građevinskih radnika, jer osim „Izgradnje“ postojali su i „Tempo“ i „Gramont“. Međutim, rat je učinio svoje, a još više ponašanje vlasti nakon rata, koje je dovelo do uništenja „Izgradnje“. Danas u



i njegovoj izgradnji


Bihaću nema građevinske firme koja zapošljava ni 20 radnika. A ponavljam – kada sam bio direktor „Izgradnje“, u jednom trenutku imali smo preko 800 zaposlenih. Poslije „Izgradnje“, iako je tadašnja vlast željela da nastavim poslovanje u toj firmi, nisam pristao. Formirali smo Zavod za izgradnju grada, na čijem sam čelu ponovo bio ja. Dvije godine bio sam direktor Zavoda, gdje smo radili poslove infrastrukture za opštinu Bihać. Nakon rada u Zavodu, opština me ponovo vratila u organ uprave, gdje sam u dva navrata bio direktor opštinskog organa uprave nadležnog za prostorno uređenje, građevinarstvo i zaštitu okoliša. Karakteristično je da sam u tom periodu obučio nekoliko svojih kolega, koji i danas rade na tim poslovima. Nakon izbora u BiH 1991. godine, nažalost, smijenjen sam sa funkcije i raspoređen na mjesto komunalnog inspektora. Prihvatio sam to kao normalno, iako me je pogodilo što su tadašnji funkcioneri u opštini Bihać zaboravili moj doprinos skoro 20 godina ranijoj izgradnji grada. Kada je počeo rat u BiH, postavljen sam na radno mjesto stručnog saradnika za oblast građevinarstva. Čitavo vrijeme rata radio sam u organu uprave – vjerovatno znate da smo tada radili u podrumu. Krajem rata, 1995. godine, išao sam i na ratne položaje u sklopu rezervne jedinice 5. korpusa, koja je formirana početkom te godine. Ono što mi danas smeta, ne samo zbog mene nego i zbog mojih drugova, jeste to što se ta jedinica više nigdje ne spominje. Govori se o 5. korpusu u cjelini, ali se ne spominje rezervna jedinica u kojoj je bilo i poginulih i zarobljenih boraca na području Cazinske

krajine. Poslije rata imenovan sam za rukovodioca Odjeljenja za obnovu ratnim dejstvima oštećenih objekata, gdje sam proveo oko 4-5 godina. U to vrijeme Bihać je bio među vodećim gradovima u BiH po obnovi stambenih objekata, zahvaljujući aktivnostima tadašnjeg načelnika, Općinskog vijeća, ali i mom i radu mojih saradnika. Skoro svakodnevno kontaktirao sam s predstavnicima međunarodnih organizacija i republičkih institucija nadležnih za obnovu ratom oštećenih kuća. Nakon toga, 2005. godine, imenovan sam za pomoćnika načelnika za oblast prostornog uređenja, građevinarstva i zaštite okoliša. Na toj funkciji proveo sam oko godinu i po, i s nje sam otišao u penziju. Ono što mi je ostalo posebno drago jeste da sam i tada, u organu uprave, obučio nekoliko mladih arhitekata i građevinaca za poslove koje i danas obavljaju. Tokom 2006. i 2007. godine bio sam član radne grupe USAID-a za izradu oglednog primjerka Zakona o prostornom uređenju u BiH. Nakon toga bio sam i direktno uključen u izradu Zakona o prostornom uređenju Unsko-sanskog kantona, kao član radne grupe. Osim Zakona o prostornom uređenju, u pojedinim periodima nakon rata radio sam i na izradi kantonalnih zakona o komunalnim djelatnostima, o upravljanju otpadom, o održavanju zajedničkih prostorija u stambenim zgradama, i imao sam dobru saradnju s Ministarstvom koje je pokrivalo oblast prostornog uređenja. Možda je zanimljivo napomenuti da su me u dva navrata mandatar za sastav Vlade Unsko-sanskog kantona tražili da budem ministar prostornog uređenja.

Međutim, odbio sam te ponude, vodeći računa da mi je Opština uvijek bila na prvom mjestu i da svoje znanje i iskustvo najviše mogu iskoristiti u organima uprave. Nakon penzionisanja, kao stručni saradnik radio sam s bihaćkom organizacijom „Unaconsulting“, resursnim preduzećem iz oblasti voda. Cijenio sam tu firmu jer je našla za shodno da iskoristi moje iskustvo i znanje stečeno tokom cijelog radnog vijeka. U ukupnom radnom stažu, u tri navrata bio sam rukovodilac opštinskog organa uprave nadležnog za prostorno uređenje i građevinarstvo: od 1971. do 1979. godine, zatim od 1988. do 1991, te od 2005. do 2006. godine – što ukupno čini oko 12 godina. Kada razmislim, to je skoro trećina mog radnog vijeka provedena na toj funkciji. Ne pamtim da je iko, ni prije ni poslije mene, toliko dugo bio na tom mjestu.

KRAJINA: Šta biste poručili mladim ljudima koji danas tek započinju svoj profesionalni put u arhitekturi i javnoj službi?

Smiljanić: Mladima bih poručio da se druže, da se ugledaju na nas jer nekad je pjesnik rekao od kolijevke pa do groba najljepše je dačko doba. Mi to nismo znali dok nismo došli u ove godine i kad se sjećamo vremena kad smo bili mladi, onda shvatamo stvarno da su to za nas bile najbolje godine života. Nažalost današnje generacije sve manje i manje se druže. Mi smo u razredu znali ime i prezime svakog učenika. Znali smo odakle je ko, ova djeca često puta ne znaju kolegu koji sjedi pored njih. Ne znaju ni ko je ni šta je, ni odakle je. Ja im savjetujem, ali i njihovim roditel-



ljima da omoguće djeci druženje jer će shvatiti da im je to najkvalitetniji i najbolji dio života. I još bih savjetovao odgovornima u organima uprave da ne zaboravljaju penzionere koji su život i godine rada dali u radu u opštinskim organima uprave. Nažalost već desetak godina bihaćki načelnici ne praktikuju da održavaju godišnja druženja sa penzionerima. I još sam htio reći nešto o druženju nas kad smo bili mladi. Čuli ste za onu “od kina do benzina” Kino je na mjestu preko puta od džamije Fethija, gdje je bilo uvijek. A benzin, kod mosta na Jarku, tu je bila nekad benzinska pumpa. I mi smo navikli da govorimo, idemo šetati od kina do benzina. Ako se nismo šetali, znali smo sjediti na kamenom zidu ispred zgrade SDK preko puta

pošte i posmatrati dru-ge kako šetaju. Poslije toga, znali smo se skupljati i na Gelenderima, ili stajati, ili šetati se od mosta do Paviljona. Prve plesne korake naučili smo u sali Sokolane, pored osnovne škole u Prekounju. A u kasnijem periodu išli smo u Dom JNA, sada Kulturni centar u Bihaću. Ljeti smo se kupali na tadašnjem bihaćkom kupalištu Beton, koje je ljeti vrtilo od kupača. Mi smo prvo bili na početku, kod paviljona, gdje je plitka voda. Kako smo rasli, pomjerali smo se prema slapu tamo gdje je bila duboka voda. U kasnim godinama znali smo jednom, dva puta nedeljno, igrati nogomet, bilo na Lukama, bilo na livadama kod Vrkašića.

Razgovarao:
Fahrudin Vojić

BUŽIM

Položen kamen temeljac za izgradnju dječijeg vrtića

Nakon potpisivanja dva ugovora sa izvođačem radova, preduzećem „Velić kop“ d.o.o., i provedenih pripremnih aktivnosti, u Bužimu je svečano položen kamen temeljac za izgradnju dječijeg vrtića, čime je i zvanično otpočela realizacija jednog od najznačajnijih projekata ulaganja u budućnost najmladih stanovnika Bužima, saopćeno je iz ove općine.

Prva faza radova, u vrijednosti od 874.463,73 KM, obuhvata izvođenje zemljanih, građevinskih, zanaatskih, bravarskih i krovopokrivačkih poslova, te djelimično uređenje saobraćajnice i parking prostora. Druga faza radova, u vrijednosti od 199.445,24 KM, podrazumijeva unutrašnje instalacije i malterisanje.

- Ovo je jedan od najvažnijih i



najsvetlijih projekata za naš ponosni i viteški Bužim. Nakon brojnih opstrukcija i pokušaja blokada od strane određenih pojedinaca, danas s ponosom polažemo kamen temeljac za ustanovu od presudne važnosti za budućnost naših najmlađih. Posebno me raduje što će Bužim konačno dobiti prostor u kojem će naši mališani boraviti u dostojanstvenom objektu kakav zaslužuju – mjesto gdje će učiti i odrastati. Želim izraziti zahvalnost svim nivoima vlasti od federalnog, kantonalnog do općinskog na pruženoj podršci, a posebno našim vijećnicima koji su pokazali odgovornost i hrabrost glasajući za odluke koje su omogućile da ovaj historijski projekat krene u realizaciju, rekao je Mersudin Nanić, načelnik Općine.



PROF. DR. NEDŽAD BAŠIĆ

*Pisati? Što? Fraze?
Glupe, bombastične
fraze? Kome? Cijelo
čovječanstvo deset hil-
jada godina ne radi
drugo nego govori.
Od Sokrata do
Vatikana same govor-
nice i propovjedaon-
ice... Štampati?
Kome? Dokazivati? ...
Isto tako nema smisla.
Šta je preostalo?
Lažati? Gdje su
mostovi preko kojih se
može čovjek spasiti?
(Miroslav Krleža).*

PARADOKS ŠUTNJE I ZAVJERE LOŠEG MORALA ČOVJEKA

Smrtonosno stezanje omče oko vrata demokracije

Kada je 1922. godine američki vojni ataše Truman Smith, opisao Hitlera kao demagoga koji može inspirirati i stvoriti opasnu odanost u njemačkom narodu, niko tome nije pridavao puno pažnje. Čak i nakon Velike depresije, kada su nacisti već otvoreno ciljali na preuzimanje vlasti, niko nije naslutio nadolazeću opasnost. Mnogi su Hitlera smatrali klovnom i ljudskom karikaturom koju će biti lako kontrolirati

Nema više Miroslava Krleže koji je davno izgovorio gore navedene riječi. Nema više ni Predraga Matvejevića koji je zapisao to što je veliki bard književnosti rekao. Prošlo je više od 30 godina od kako je ovaj tekst napisan i ništa se nije promijenilo izuzev što su porasle apsolutne i apstrakne slobode velikih i moćnih što je stvaralo sve veći osjećaj nemoći i straha malih i slabijih. Taj sudar između laži i licemjerja bogatih i moćnih i straha i očaja siromašnih i nemoćnih, učinit će razum i svijest čovjeka zamagljenom i nesigurnom. Na samom početku ovog stoljeća čovjek će se naći više nego ikad do sada usamljen u propovjedaonici laži i nemoralu što će ga gurnuti još dublje u strah i nemoć i učiniti ga sačunikom i nijemim svjedokom oktroisane bezosjećajnosti zločina velikih i moćnih i bolne nemoći bezumlja malih i nemoćnih. U toj propovjedaonici laži i nemoralu, nemoći i očaja, svi pravni i moralni principi nestaju, što čini svijet razuma i stvarnosti drugačijim i nestvarnim. U tom hororu propovjedanja i laži, nemoći i očaja, za čovjeka, na samom početku 21. stoljeća, ostaju samo dvije mogućnosti: odbaciti sva usaglašavanja sa razumom i pravdom i utonuti u tišinu i šutnju ili umrijeti u borbi za principe razuma i pravde.

I jedna i druga opcija teško je

prihvatljiva za homo sapiensa. Pokornost i poslušnost čovjeka čini vrlinu naroda nedostojnom, što čini princip narodnog suvereniteta ili suverenost nacije ništa drugo do samovoljom autoritarnog vođe. Kada princip suvereniteta nacije pređe u ruke bezumnog autoritarnog vladara, legitimno sprovođenje tiranije u ime naroda, koji štiti, podiže zločin na nivo religijskog vjerovanja u božansku moć vođe. U ovom matriksu božanske moći autoritarnog vladara, kako je to bilo vidljivo na nedavno održanom općem samitu čovječanstva, pitanje pobune čovjeka predstavlja iluziju u kojoj svaki pokušaj njenog racionaliziranja predstavlja ništa drugo do beskrajno ubijanje kao nužni uslov stvaranja novog „demokratskog“ svijeta. U tom „demokratskom“ prostoru susretanja sile i moći beznađa i očaja, duh žrtve se redovito preobraća u duh zločina duh zločina u duh žrtve, gdje nema promocije ljudskih vrлина i empatije prema stradanju drugih.

Nove prijetnje i strahovi

Kada je 1922. godine američki vojni ataše Truman Smith, opisao Hitlera kao demagoga koji može inspirirati i stvoriti opasnu odanost u njemačkom narodu, niko tome nije pridavao puno pažnje. Čak i nakon Velike depresije, kada su na-

cisti već otvoreno ciljali na preuzimanje vlasti, niko nije naslutio nadolazeću opasnost. Mnogi su Hitlera smatrali klovnom i ljudskom karikaturom koju će biti lako kontrolirati u slučaju preuzimanja vlasti. Čak i nakon otvorenog upozorenja koje je izašlo iz pera američkog novinara i pisca Edgara Mowrer-a (Chicago Daily News) da se taj čovjek ne smije podcijeniti, svjetska javnost ostala je ravnodušna prema vrtoglavom političkom usponu nacista, koji će uskoro čovječanstvo odvesti u tragediju velikih razmjera. A sve je počelo naizgled bezazleno, u borbi nacizma protiv siromaštva i nezaposlenosti.

Slična situacija događa se i danas, nakon 80 godina od velike nesreće koja je odnijela živote preko 50 miliona ljudi i do tada neviđenog razaranja čovječanstva. Ni danas niko ne obraća pažnju na dolazeće zlo koje se slobodno širi svijetom. Slobodno urlikanje i globalno širenje desničarskog autoritarnog populizma diljem svijeta podstaklo je čitavu plejadu malih lokalnih još krvoločnijih demagoga koji šire nove prijetnje i nove strahove, a sve to u ime demokracije i samostalnosti naroda kojim vladaju. Vladimir Putin, Donald Trump, Benjamin Netenjahu, predvođe savez moćnih i autoritarnih vladara, koji bez značajnijeg otpora slobodno određuju smjer u kojem se danas kreće čovječanstvo. Na njihovim

ekstremnim ultrakonzervativnim političkim destinacijama, gdje vlada rasizam, nacionalizam, ksenofobija i šovinizam, koji su isprepleteni s raširenim nepotizmom, ubitačnom korupcijom, osobnim bogaćenjem i odvratnom mržnjom prema onima koji se od njih razlikuju, politička racionalnost biva potisnuta s političkom strašću.

Istorija se ponavlja

Propaganda, omalovažavanje i cinizam postaju glavna oruđa dezintegracije nedužnosti žrtve i opravdanja zločina sa čime se zatvara krug između odanosti, pokornosti smrti u kojem se briše svaka naznaka slobode i pobune. U tom zatvorenom krugu zločin postaje uzvišen patriotski čin, dok sloboda postaje ponizni čin pokornosti i poslušnosti čovjeka. Autoritarni populistički režimi i pokreti u kojima laž, strah, predrasude, fanatizam, vjerske i rasne netrpeljivosti, izrastaju u određujući prototip „razuma“ traže brisanje svih protivurječnosti u stavovima i uvjerenjima oktroisanih velikih autoritarnih vođa.

Malo ko danas u tom njihovom oktroisanom jedinstvu prepoznaje smrtonosno stezanje omče oko vrata demokracije koja tiho upada u zamke njihovih autokratskih, korumpiranih i nasilnih krajnje desno orijentiranih država, čiji se podanici uporno

odbijaju suočiti sa istinom. U toj globalnoj tišini šutnje licemjerstva homo sapiensa, nestaje predstava o slobodi čovjeka, što ga uvodi u zonu zločina, straha i beznađa, gdje sila postaje jedina vrijednost. U tom autoritarnom matriksu, dezinformacije, polarizacije, ekonomske stagnacije i socijalne nejednakosti, nepravda i stradanje, čine se kao neizbježnost plaćanja nužne cijene ukupnog napretka čovječanstva, gdje ono što je loše zapravo se čini kao dobro. I tu se homo sapiens sapliće. On ne raspoznaje opće trendove i unutrašnje zakone razvoja autoritarne politike i pronalazi opravdanje i izgovore za stanje straha i očaja slabih i nemoćnih, traži opravdanje za zločine velikih i moćnih. Cijena laganja, straha, ubijanja, razaranja, postaje nužna cijena napretka čovječanstva. Istorija se ponavlja. Ne tako davno mržnja prema Jevrejima i razaranja Poljske bili su preduvjeti općeg napretka čovječanstva u percepciji fašizma. Danas mržnja prema Palestincima i razaranja Ukrajine preduvjet je globalnog napretka novog svijeta u percepciji krajnje desničarskog autoritarnog populizma. U čemu je ralika? Pitanje je na koje treba dati odgovor homo sapiens, da bi definitivno shvatio u kojem pravcu se kreće svijet.

Demokratija nije samo politički sistem – to je zajednički poduhvat, koji zavisi od zajedničkog prepoznavanja njene krhkosti i volje homo sapiensa da se ona sačuva.

ANSAMBL "PRIJATELJI SA UNE" NEUMORNO PRIPREMA UČEŠĆE NA BROJNIM NOVIM NASTUPIMA

Ponosni na zahvalnice i saradnju sa NP "Una"

Ove godine Ansambl „Prijatelji sa Une“ Bihać imao je brojne aktivnosti, nastupe u vidu organiziranja zajedničkih koncerata na međuentitetskoj saradnji sa dva banjalučka ansambla i prekograničnoj saradnji sa KUD-om „Izvor“ iz Rakovice u Hrvatskoj.

Učestvujući u različitim projektima, u okviru međuentitetske saradnje sa ansamblom „Prijatelji sa Vrbasa“ Banja Luka, održana su dva zajednička koncerta u Banjoj Luci, te zajednički sastanak na kojem su dogovorene buduće aktivnosti i nastavak saradnje, a na osnovu potpisanog memoranduma o međuentitetskoj saradnji, koja traje već nekoliko godina. Uzvratni zajednički koncert u Bihaću trebao bi uslijediti krajem novembra ove godine.

Od sredine maja ove godine u organizaciji Nacionalnog parka „Una“ Bihać u samome parku organizirane su brojne manifestacije. Brojni turisti, gosti Parka, ali i sami Bišćani posvetili su posebnu pažnju obilježavanju Dana rijeke Une - 17. maju, uključivši se i podupirući sve programe i koncerte u zoni NP „Una“. Ansambl „Pri-



jatelji sa Une“ dobio je tada zahvalnicu za doprinos u obilježavanju ove velike, za NP „Una“ i Bišćane, velike manifestacije.

Potom je Ansambl učestvovao na ovogodišnjoj 51. „Una regati“, održavajući još jedan dvosatni koncert u zoni NP „Una“ Bihać.

Tim povodom, jedan od dobitnika zahvalnica za doprinos ovoj manifestaciji bili su „Prijatelji sa Une“ Bihać, odavno prepoznat kroz brojne aktivnosti od strane NP „Una“.

Predstavnici Ansambla „Prijatelji sa Une“ Bihać, ponovo su, u okviru međuentitetske saradnje sa

drugim banjalučkim ansamblom „Banjalučkom svitom“ bili gosti Centra za kulturu i obrazovanje Bosanski Petrovac, gdje su sa direktoricom dogovarali nastavak saradnje i održavanje cjelovečernjeg koncerta ova dva ansambla tokom naredna dva mjeseca.

Naime, pomenuti koncert je pripremljen i trebao je biti održan u okviru prednovogodišnjeg programa Centra za kulturu ove općine, ali je otkazan zbog nestanka struje i velikog snježnog nevremena. Ali, slijedi nova prilika i ovi ansambl ne odustaju od ovog koncerta. Već je određen termin učešća ovih ansambala u prednovogodišnjem programu. „Prijatelji sa Une“ uveliko se pripremaju i za uzvratni „Koncert prijateljstva“ u Bihaću, sa „Prijateljima sa Vrbasa“ iz Banje Luke.

Nedavno su „Prijatelji sa Une“ dobili poziv od Odjela za gospodarstvo Ličko-senjske županije, za gostovanje i održavanje koncerta u Gospiću, na Trgu Stjepana Radića, prve subote u oktobru, na ovogodišnjoj manifestaciji „Jesen u Lici“.

Projekte Ansambla „Prijatelji sa Une“ prepoznala je i podržala Vlada Unsko-sanskog kantona, a podrška je uslijedila i od BH Telecoma, koji je godinama sa ansamblom, ali i sa mnogim vrijednim amaterskim i drugim društvima. Oni će ih dostojno prezentirati i opravdati njihovu podršku. / Z.P.

SANSKI MOST

Zlatni sanski pčelari



Sanski pčelari, članovi udruženja pčelara „Sana med“, i ove godine su učestvovali na Međunarodnom sajmu meda u Tuzli gdje su zabilježili dobre rezultate i osvojili brojne medalje i na-grade, čime su potvrdili da je kvalitet sanskog meda na veoma visokom nivou.

Od 19. do 21. septembra u Tuzli je održan jubilarni 20. Sajam pčelarstva „Medena Tuzla 2025“, a radi se o jednom od najrespektabilnijih i najpriznatijih sajmova ovog tipa u okruženju. Ovogodišnji sajam je okupio veliki broj učesnika iz BiH i regiona, dok je na analizu

meda pristiglo nekoliko stotina uzoraka iz cijelog svijeta. U takvoj konkurenciji sanski pčelari su ostvarili odličan rezultat, a sve poslanske uzorke meda ocjenjivački žiri nagradio je zlatnim medaljama.

Među nagrađenima su Ahmet Karajković, Nesib Alagić, Safet Kazić, Denijal Islamčević, Osman Buljubašić, Enes Bahtić i Jusuf Kumalić. Denijal Islamčević pčelarstvom se počeo baviti prošle godine, ovo je prvi put da je dostavio svoje uzorke meda na ocjenjivanje, i već je nagrađen vrijednim priznanjem. Enes Bahtić redovno učestvuje na raznim domaćim i

međunarodnim sajmovima i takmičenjima u ocjenjivanju kvaliteta meda, gdje već po pravilu bilježili dobre rezultate i osvaja brojne medalje i nagrade. Pored nagrade iz Tuzle, ove godine nagrađen je i na sajmu u Gradačcu za najkvalitetniji bagremov med. Glavni razlozi zašto je kvalitet sanskog meda neosporno prepoznat u svijetu pčelarstva, svakako su idealni uslovi za bavljenje pčelarstvom, odnosno čista i netaknuta priroda na ovim prostorima, ali i stalna edukacija iz oblasti pčelarstva, ističu u sanskom udruženju pčelara.

Izvor: RTV Sana

GLOBAL GROUP I KANTONALNO UDRUŽENJE OBOLJELIH OD KARCINOMA DOJKE „UNA“ IZ BIHAĆA

Potpisan Memorandum o saradnji



Global Group i Kantonalno udruženje oboljelih od karcinoma dojke „Una“ iz Bihaća potpisali su Memorandum o saradnji.

Cilj ovog partnerstva je pružanje besplatne i sveobuhvatne podrške pacijenticama iz Bosne i Hercegovine kojima je potrebno liječenje u renomiranim zdravstvenim ustanovama u Turskoj.

Global Group i Kantonalno udruženje oboljelih od karcinoma dojke „Una“ iz Bihaća zajednički

će raditi na omogućavanju lakšeg pristupa liječenju u inostranstvu, pružanju logističke, medicinske i administrativne podrške, podizanju svijesti o važnosti prevencije i ranog otkrivanja karcinoma dojke, te promociji vrijednosti humanosti, solidarnosti i profesionalizma.

Ovaj memorandum predstavlja važan korak ka boljoj podršci pacijenticama i njihovim porodicama, sa zajedničkim ciljem - olakšati put ka zdravlju i životu bez prepreka.

kanton

Bihać je grad koji u sebi nosi stotine priča, od šapata s Une, preko legendi što se prenose među generacijama, pa sve do glasova koji su obilježili jedno vrijeme. Jedan od tih glasova, koji i danas ima snagu probuditi sjećanja i emocije, jeste Ibro Selmanović. Njegov muzički put započeo je tiho, u avlijama i sobama gdje se sevdalinka pjevala iz srca, da bi kasnije prerastao u bogat opus snimljenih ploča, festivala, suradnji s najvećim imenima i pjesama koje i danas žive.

U razgovoru za feljton Bihaćke urbane legende, Ibro Selmanović otvara vrata svog svijeta, od djetinjstva u kojem se pjesma prenosila s roditelja, preko festivalskih pozornica i suradnji sa zvijezdama, pa sve do današnjeg mirnijeg života u kojem muzika i dalje pulsira kao srce svakog dana. Priča o njegovim počecima zapravo je i priča o muzici Bosne i Hercegovine, o sevdalinci kao vječnoj niti koja povezuje generacije. Donosimo razgovor u kojem Selmanović iskreno govori o svojim korijenima, uspjesima, susretima s muzičkim velikanima, ali i o ljubavi prema porodici i Bihaću, gradu iz kojeg je sve krenulo.

KRAJINA: Ibro, kako kreću tvoji muzički počeci?

Ibro: Kao i većina onih kojima je pjesma postala život, i ja sam od najranijeg djetinjstva volio zapjevati, sam za sebe ili pred članovima porodice. Vjerujem da sve polazi od unutarnjeg osjećaja i ljubavi prema onome čime se čovjek želi baviti, pa i ja da nisam imao taj unutarnji glas koji mi je signalizirao da zapjevam, možda sada ne bismo o ovome razgovarali. Ljubav održava sve pa inas, ona je ta koja čini život ljepšim, ovakav kakav živimo, pa sam i ja zbog ljubavi prema pjesmi, počeo i pjevati pjesme koje sam slušao od rahmetli oca i mame. Oni su voljeli pjevati, otac kada bi se iz grada vraćao kući, pa onako pomalo teturajući po dvorištu, zapjevao bi: "Nit' ja spavam, nit' ja drijemam, nit' ja sna imam". Bila je to prva pjesma koju sam od njega čuo, a od rahmetli Zehre Deović volio je zapjevati: "Znaš kad sam ti ljubav darivala", "Evo ovu rumen ružu" od rahmetli Zaima, sve su to naše sevdalinke, ona je "ušla" u muzičke škole, postoje obrade "Kad ja podoh na Bembašu", pa "Emina", dakle sevdalinka je naš bosanskohercegovački evergreen. To je pjesma koja nikad umrijeti neće, mi ćemo svi nestati, doći će neki drugi ljudi, ali ona će trajati. Ljudi kažu da na mladima svijet ostaje, ali ja se potpubno ne bih s tim složio, svijet se jako promijenio, pa i neki mladi ljudi možda nisu dorasli da na njima svijet ostane, to je neko moje promišljanje. Međutim, u muzičkom "svijetu" ima mladih pjevača koji su izuzetno talantirani i uvijek mi je drago kada čujem mladog izvođača da pjeva sevdah, da održava i da neke pjesme još žive. Sevdalinka je muzika jednog nar-

oda, naša bosanskohercegovačka, ona zaslužuje veliku pažnju i njegovanje, jer to je naš izvor i naš život. Sevdalinke su prevedene i snimane ina druge jezike. Pa, ako govorimo o vrhuncu obrade sevdalinke, onda svakako moram istaknuti "Što te nema" koju je izvodio Himzo Polovina, a koju je pokojna Jadranka Stojaković vrhunski izvela u svojoj obradi. Ona je tako lijepo tu pjesmu izvela, da ima sve umjetničke i kulturne nijanse u njoj izvedbi, a od instrumenata samo klasičnu gitaru na kojoj je svirala. Imao sam čast i priliku da Jadranku Stojaković i upoznam, ona je trebala da za mene uradi neku pjesmu za ploču koju sam tada snimao za sarajevski Sarajevodisk. Sreli smo sebaš tamo u računovodstvu, došla je svojim, ja svojim poslom. Tu je bio i moj plakat, zajedno sa Hankom Paldum, Sejom Pitićem i drugima, ali i njen. Vidjela je to i pitala me ko me je slikao, ja joj odgovorio da je za to zaslužan Kemo Hadžić, da bi ona rekla da je i njenu sliku uradio. Razgovarali smo malo, dogovorili da bi moglo doći do suradnje, ali meni je tada nedostajao "dobar tekst". U međuvremenu sam razgovarao sa rahmetli Fadilom Toskićem, on je trebao također nešto da radi za mene. Došao sma kod njega u njegov frizerski salon, bila je tu još jedna frizerka koju je poslao kući, da bi nas dvojica probali neke naše pjesme na kojima smo radili. Fadil je uzeo svoju gitaru i počeo svirati svoje pjesme. Pjesma po pjesma, pa je na red došla i "Penelopa". Kaže meni Fadil da ju je ponudio Šabanu Šauliću, ali da je on već pripremio materijal za LP, pa je odsvira za mene. Ja poslušam pa ga pitam ko je taj tekst pisao, on kaže da je autor Slobodan Đurasović. A Slobodan je tada bio profesor u Četvrtoj gimnaziji na Grbavici i bio recenzent za mnoge pjesme koje je izvodio Zdravko Čolić u nekadašnjim Ambasadorima, pa Ismeta Krvavac, Indexi, a njegov je tekst i pjesme "Dođi u pet do pet, sigurno ću doći ovaj put". To je hit koji će trajati i kada sve prođe. A tekst "Penelope" glasi ovako: "Ostani u plavilu oka i tako kreni sa mnom, jer dugo će tvoja ruka na povratak moj da čeka, sutra krećem k'o Odisej tom dalekom stazom svijeta, ti me čekaj, ja ću doći, budi moja Penelopa, a kad dode naše vrijeme i prestanu putovanja, nježno će rasti naše sjeme, više nećeš biti sama Penelopa". Kažem tada Fadilu da nisam čuo bolji tekst, na šta je on odgovorio da ću tu pjesmu i snimiti. Ostala je ta pjesma kod njega, nikad je nisam snimio. Bilo je to možda 1986. godine, davno je to bilo, ali nekim čudom ja sam taj tekst zapamtio, meni je sad 66 godina, puno je vremena od tada prošlo. Sjećam se čak i melodije na koju je Fadil tu pjesmu pjevao, ali za ono vrijeme kako je on to zamislilo, ona je aranžmanski bila malo teže zamišljena, neki brži ritam. Ja sam od takve "Penelope" napravio baladu koju je radio gitarista Goran Zafirovski iz Beograda, ona

feljton: BIHAĆKE URBANE LEGENDE

Ibro Selmanović: Život u pjesmi, pjesma u životu




je završena i trenutno je kod Geronima, tako da ja od nje nisam odustao. Ta pjesma zaslužuje da bude "puštena", da ode u svijet. Ona baš na poseban način ukazuje na iskonski odnos muškarca i žene, koje turbulentna vremena uvijek iskušavaju, ali njihova ljubav uvijek pobijedi, kao i ono što porodicu čini onim što ona jeste. Geronimo sada završava rad na pjesmi sa svojom ekipom, a radi se na još jednoj pjesmi koja se zove "Crni labud", autor je Ljubiša Mitrović iz Beograda. Te pjesme će biti snimljene, neće to biti klasični album, naći će se na YouTube, kasnije na CD-u, stavit ću i pjesme koje sam radio sa Geronimom.

KRAJINA: Iza tebe je jako bogat muzički opus, koliko si albuma ukupno snimio?

Ibro: Imam 6 LP-a, CD-ova desetak, mnogo je toga, kad odem na YouTube nadem čak neke svoje pjesme na koje sam gotovo i zabo-

ravio. Ali, pored "Penelope" i "Crnog labuda" koje radim sa Geronimom, radim i na pjesmi "Kahar". To je pjesma Nine Mujagića, on i Priki Rahmanović su sada najjači tim na estradi, rade i za Mariju Šerifović i tu je doslovce sve rečeno, jer ako rade za najveću estradnu zvijezdu na Balkanu, jasno je koliko i oni vrijede. Do pjesme "Kahar" sam slučajno došao, nju je pjevao Jasmin Hadžisadiković iz Cazina, bio je u grupi Dede Putra. Svirao je na klaviru, postavio pjesmu na Facebook, a kada sam je čuo, sve mi se činilo da je pjeva Al Dino, takav glas Jasmin jednostavno ima. Pjesma je bila "u ponudi", pa je moj sin kontaktirao Ninu Mujagića i tako smo došli do toga da pripadne meni, kada su provjerili da nije već ranije neko je rezervirao. Onda sam im i dočarao kako ja želim pjevati tu pjesmu, i ona je oduševila, nadam se da će se dopasti i drugima. Inače, u zadnje vrijeme više sam sklon baladama, shodno mojim godinama, sada



**Imam 6 LP-a,
desetak cd-ova...,
mnogo je toga...,
kad odem na
YouTube nađem
neke pjesme na
koje sam i zabo-
ravio**

“Apsolutno tvoj”. I tu sam ploču donio da je slušamo u džuboksu. Tada neka ko ploču snima i Mustafa Redžić Hodžin, pa sam ja njih sve “sabradio” i pa uz sve njih koje sam nabrojao imali smo i i Ahmeta Bajrića, Emira Dedića, svi su već snimili ploču, ja tek planirao da to uradim. Tako jednog dana prolazi Toni pored moje kuće i stričeve kafane. Pozovem ga da uđe, kažem mu da pjevam i da želim snimiti ploču. Toni predloži da odemo kod Zele u stan, imao ga je tamo iznad sadašnjeg kafića Vuk. Ne mogu se sjetiti jesmo li baš tamo otišli ili negdje drugo, ali divni Toni Janković je osoba kakvu ćete rijetko sresti u životu. Pa, kad sam već spomenuo te “izuzetke” kada se govori o izvedbi neke pjesme, nezaobilazno je reći da ono kako je Toni otpjevao Jedina moja, Patkica, Potraži put...mogu to mnogi izvesti, pa i ja sam to radio, ali kao Toni niko. Ili, kako Alen pjeva Motore, on je to doslovce kako mi kažemo “zavario” i onako kako ta pjesma izvorno zvuči, to niko više ne može postići. Ono što je prvotno, izvorno, to je tako i neka ostane tako. Meni je pomalo da ne ispadnem grub, čak i smiješno slušati te neke “nove zvijezde” koje nemaju svoju pjesmu, a žive od izvođenja tuđih. Doslovce žive od tuđeg djela, valjda su to sad takva vremena.

KRAJINA: Tvoja karijera je bogata,



Nagrada za životno djelo

reci nam nešto o suradnjama koje su na nju utjecale?

Ibro: Na mojoj prvoj ploči tonmajstor je bio čuveni Paša, kojeg spominju i u seriji “Lud, zbunjen, normalan”, pa se svodi na to, da ako si snimio kod Paše, onda si uspio. Kod njega su snimali Halid Bešlić, Halid Muslimović i drugi, a s njim je snimao Zoran Redžić iz Bijelog Dugmeta, inače porijeklom iz Bihaća. Kada sam spomenuo Halida Bešlića, ne mogu a da mu i na ovakav način ne poželim brz oporavak i prenesem sve najbolje želje. Naravno, suradnju sam imao sa mnogim muzičarima, tekstopiscima i općenito umjetnicima u svakom smislu, ostala su lijepa sjećanja na to vrijeme, ali sve drage ljude koji su dali svoj pečat baš tom vremenu. I kad govorim o toj mojoj prvoj ploči, želim reći da je na njoj radio baš Zoran Redžić, pa Bodo Kovačević iz Indexa gitarista, Fadil Redžić bass gitara, a Sinan Alimanović je radio aranžmane. Prije njih sam surađivao sa “Južnim vjetrom” s kojim su Dragana Mirković, Mile Kitić pa i pokojni Luis radili i ostvarili sjajne rezultate. Radio sam sa eminentnim muzičarima, među njima Perica Simonović koji je radio albume i Hanki Paldum i Halidu Bešliću, a bio je prvi harmonikaš “Rokera s Moravu”. Bilo je zaista velikih muzičara, tri ploče sam radio u Beogradu tri u Sarajevu, na mom putu sam upoznao i surađivao sa muzičkim velikanima jednoga vremena, koji još uvijek traju.

KRAJINA: Ti si bio jako uspješan i kao festivalski izvođač?

Ibro: Kada sam saznao da ću 1983. godine pjevati na festivalu na Ilidži, mislio sam da sanjam. Prvu sam ploču snimio, na njoj je bila i pjesma “Indira, Indira, zbog tebe nemam mira”, nju je radio Halid Muslimović. A kad nešto hoće, Slobodan Đurasović kojeg sam spomenuo je došao u Sarajevodisk gdje smo se i sreli. Trebala mi je recenzija za neke pjesme, uzme on papir, šara nešto po papiru, završi i samo kaže, “evo, ovo ćeš pjevati”. Osim što je bio izuzetan muzički talenat, bio je i nadaren i za fudbal. On mi je tako uradio recenziju za nastup na Ilidži. Taj festival je održan pod palicama tadašnjih najvećih muzičkih doajena, pa su upravo takve zvijezde uradile i

pjesmu “Hej, hej, ljepotice”, s kojom sam debitovao na Ilidži. Tu noć su između ostalih pjevali i Mile Kitić, rahmetli Muhamed Mujkanović koji je i pobijedio s pjesmom “Emina”. Istina, ja sam prve festivalske večeri imao najviše glasova publike, ali na kraju je pobijedio Mujkanović, moj dragi prijatelj. Bilo je to moje prvo veliko festivalsko iskustvo, a na Ilidžu se vraćam 1986. godine i opet tu nastupaju velike muzičke zvijezde toga vremena. Na festivalu u Lukavcu odnosim pobjedu, bilo je finih dana, o lošim ne bih, to sam davno potisnuo i prisjećam se samo onoga što je moj život ispunilo ljepotom. Dio svačijeg života su i lijepe i manje lijepe uspomene, na nama je da ih sve prihvatimo kao naš put. Sada živim i radim koliko ja to želim, nisam se povukao, pjevat ću dok god to mogu, ali kao što sam već rekao, sada to radim u mirnijim lukama. Mnogo sam posvećen svojoj porodici, posebno mom unuku koji živi u Sloveniji i trenutno je moj najveći obožavatelj. Iako su mu tek tri godine, on već na prve tonove prepozna moju pjesmu, a ja kao i svaki djed, sav srećom se obasjam kada on kaže “dido, dido to pjeva”. Uživam u popodnevним šetnjama sa mojim psom, nastojim biti u toku svih dešavanja koliko je to moguće. Vama hvala za ovaj intervju, kada i mi koji smo na neki način obilježili ovaj grad i život u njemu na specifičan način dobijamo priliku da govorimo o tome, o vremenima kada jeste sve bilo drugačije. Mladima bih poručio da ne odustaju od bilo čega čemu se posvete, neka u tome istraju, ali još jednom želim i na ovaj način poželjeti svako dobro dragom prijatelju Halidu Bešliću, i dodati da je jedan od mojih dugogodišnjih suradnika naš Bišćanin Dilvad Dado Felić, na čijem sam Festivalu ljubavi dobio plaketu za životno djelo, a ne bih da ne kažem i da sam posebno obrađivan načinom na koji radi Saša Vuk Mireković, to je izuzetno ozbiljan muzičar, nadam se dobroj suradnji, naravno i Geronima kojeg također cijenim kao uspješnog i kvalitetnog muzičara. Bihać jeste bio i jeste rasadnik talenata, što muzičkih, što generalno umjetničkih, i moja želja je da mlade generacije nastave promovirati naš grad, ali i njegovati ono u čemu su najbolji. Tako će ovakvih priča biti i u budućnosti.

Razgovarala: N.Đžanić

radije se odlučujem za “mirnije vode”. Nije da ne mogu više pjevati brže pjesme, ali da “zakivam” kao nekad Tifa, mislim da radije biram mirnije tonove. Ali, kad spomenuh Tifu, on je po mom mišljenju, jedan od najboljih rokera, kao što su ustvari i Bebek, pa Alen Islamović. To su prave “rock face”, naprosto su stavili pečat na taj žanr, to su činjenice. Kao i u svemu u životu, možemo mi nešto voljeti ili ne voljeti, ali kada govorimo o kvaliteti, kada evo pričamo o rock muzici i kada oni koji to znaju i ocjenjuju to, prava istina se ne može izbjeći. Dakle, ova tri rokera, Alen, Tifa, Bebek su najjače face u tom žanru i tu stavljam tačku. Evo, da napravim komparaciju, nedavno sam gledao dokumentarac o Terezi Kesoviji, da li uopće trebam o njoj nešto dodati. Moja mama ju je uvijek slušala, Tereza je dio moga djetinjstva, bila u međuvremenu i velika zvijezda u Francuskoj. Kada si zvijezda u Francuskoj, onda si to i u Italiji, Španiji, Njemačkoj. U

tom dokumentarcu je prikazan njen životni i umjetnički put, ja sam naprosto uvjeren da tako nešto neće postići niko više u Hrvatskoj zadugo. Ona je u tom muzičkom žanru naprosto neprevaziđena, tako su u rokerskom smislu, Tifa, Alen i Bebek “kraljevi” koje dugo niko neće nadmašiti. Ja sam klasični narodnjak, ali ja prije svega imam sluha, ja slušam muziku. Nije meni strano slušati ni Novogodišnji koncert Bečke filharmonije, muzika je ono što ja živim, moj sluh je apsolutan, istančan i znam slušati. Ja volim lijepu muziku, onu koja ne para moje uho, na primjer “Divlje Jagode”, pa uz dužno poštovanje svima, Toni Janković, moj komšija. Ehh, kada su oni snimili “Jedina moja”, tada je i rahmetli Hasan Abdagić Hrle sa grupom “Problerni sa Miljacke” snimio album. I ja kupim njegove ploče i donesem ih kod mog strica u lokal Nevada, tada je tu bio džuboks. Dakle, ja kao klasični narodnjak kupujem ploče rokera, a kasnije album snima i Mirza Alijagić s Mirzinim jatom –

Na osnovu člana 111. Zakona o osnovnom obrazovanju („Službeni glasnik Unsko-sanskog kantona“, broj: 19/23.), člana 8. i 9. Kolektivnog ugovora za djelatnost predškolskog i osnovnog obrazovanja i odgoja za teritorij Unsko-sanskog kantona („Službeni glasnik USK-a, broj: 11/24), Pravilnika za prijem u radni odnos u osnovnim i srednjim školama Unsko-sanskog kantona („Službeni glasnik Unsko-sanskog kantona“, broj: 29/21), Odluke Školskog odbora broj: 741/25 od 24.09.2025. godine, saglasnosti za raspisivanje konkursa Ministarstva obrazovanja, nauke, kulture i sporta USK broj: 10-34-9802-2/25 i 10-34-9459-2/25 od 03.09.2025. godine, JU Osnovna škola „Tržačka Raštela“ iz Tržačkih Raštela raspisuje javni konkurs za popunu radnih mjesta.

KONKURS
za popunu radnih mjesta

R. broj	Radno mjesto	Broj časova	Vrijeme angažiranja
1.	Nastavnik demokratije i ljudskih prava	2 časa	Na određeno radno vrijeme,a najduže do kraja školske 2025/26.godine
2.	Nastavnik muzičke kulture	6 časova	Na određeno radno vrijeme,a najduže do kraja školske 2025/26.godine
3.	Nastavnik informatike	11 časova	Na određeno radno vrijeme,a najduže do kraja školske 2025/26.godine
4.	Nastavnik engleskog jezika i književnosti	4 časa	Na određeno radno vrijeme,a najduže do kraja školske 2025/26.godine
5.	Nastavnik bosanskog jezika i književnosti	8 časova	Na određeno radno vrijeme,a najduže do kraja školske 2025/26.godine
6.	Nastavnik geografije	2 časa	Na određeno radno vrijeme,a najduže do kraja školske 2025/26.godine
7.	Nastavnik historije	10 časova	Na određeno radno vrijeme,a najduže do kraja školske 2025/26.godine
8.	Ložać (PŠ Pjanići)	1 izvršilac	Na određeno radno vrijeme,a najduže do kraja školske 2025/26.godine
9.	Domar (Centralna škola)	1 izvršilac	Na neodređeno radno vrijeme
10.	Pedagog/Pedagog-psiholog	1 izvršilac	Na neodređeno radno vrijeme

OPIS POSLOVA

Za pozicije broj: 1, 2, 3, 4, 5, 6, 7:

Nastavnici organizuju i izvode nastavu u skladu sa Pedagoškim standardima, Godišnjim programom rada škole i prema nastavnom planu i programu. Izrađuju prilagođene planove i programe za djecu s teškoćama u razvoju, pripremaju i ocjenjuju školske pismene zadatke i pismene vježbe, organizuju i održavaju konsultacije učenika, izrađuju i kontroliraju domaće zadatke, održavaju popravne ispite, organizuju i pomažu vannastavne aktivnosti učenika, podstiču i provode uključivanje učenika prema planu i programu škole, pripremaju izvještaj o radu odjeljenja za koja su razredne stariješine i vode razrednu administraciju, rade na svom stručnom i pedagoško-metodičkom usavršavanju, učestvuju u radu stručnih i drugih organa škole, saraduju sa roditeljima učenika i obavljaju i druge poslove određene zakonom, pedagoškim standardima, pravilima i drugim općim aktima škole po nalogu direktora.

Za poziciju broj 8 (Ložać):

Brine da prostori budu pravovremeno i uredno zagrijani. Kontroliše ispravnost uređaja i grijaćih tijela. Održava u ispravnom stanju kompletan sistem grijanja. Vršiti manje popravke na instalacijama sistema grijanja. Inicira i organizuje angažovanje stručnih lica izvan škole za potrebe radova na sistemu grijanja (rezanje i cijepanje drva, skladištenje drva, uglja i dr.). Vršiti čišćenje i održavanje sistema pred grijnu sezonu i nakon nje. U periodu van grijne sezone obavlja registraciju sistema i redovne provjere. Nakon završetka grijne sezone pomaže u uređenju dvorišta škole (košenje trave, obrezivanje drveća i dr.). U slučajevima potrebe ili uočene opasnosti alarmira nadležne službe kao što su policija, vatrogasci, hitna pomoć i slično. Po završetku radnog vremena vrši obilazak objekta i provjeru stanja instalacija, inventara, opreme i eventualnih kvarova te

vodi evidenciju o nastalim kvarovima i izvršenim popravkama. Saraduje sa nastavnicima, stručnim saradnicima i ostalim zaposlenicima škole. Pomaže kod prijema i podjele nabavljene opreme i materijala. Vršiti stručno rukovanje uređajima energetske i drugih postrojenja uključujući sistem grijanja. Evidentira i analizira potrošnju i brine o ekonomičnosti utroška energenata. Poduzima mjere štednje energenata i racionalnog rada kotlovnice i drugih dijelova sistema grijanja objekta škole. Brine o higijeni i urednosti prostora kotlovnice. U saradnji sa sekretarom škole prati propise iz oblasti rukovanja kotlovskim postrojenjima i uređajima pod pritiskom. Radi na stručnom usavršavanju po pitanju razvoja i napretka tehnologija, materijala i opreme. Obavlja druge poslove utvrđene propisima, općim aktima škole i, prema nalogu direktora, u skladu sa kompetencijama.

Za poziciju broj 9 (Domar):

Poslovi održavanja električnih i vodovodnih instalacija, kao i dodatni građevinski, keramičarski i podni radovi. Potrebno je kontinuirano profesionalno usavršavanje vezano za održavanje objekta škole. Poslovi ovog radnog mjesta zahtijevaju osnovu uputstava i nadzor radnika angažovanih na poslovima održavanja higijene. Poslovi se obavljaju po zadatku i smjernicama direktora i sekretara. Svakodnevno obilazi školsku zgradu radi uočavanja nedostataka i kvarova i saraduje s radnicima škole na održavanju čistoće. Održava i popravlja kvarove na instalacijama, stolariji, vratima i ostaloj opremi škole. Održava i popravlja električne, vodovodne i kanalizacione instalacije, provjerava ispravnost protivpožarnih aparata i druge opreme, održava slivnike, oluke, prilazne staze, zelenilo i drveće u dvorištu škole. Brine o radu školske kotlovnice i obavlja sve poslove vezane za održavanje objekta. Obavlja i druge poslove po nalogu direktora i sekretara škole.

Za poziciju broj 10

(Pedagog / Pedagog-psiholog):

Pedagog planira i programira rad, priprema se i obavlja poslove u pedagoškom radu, analizira i vrednuje djelotvornost odgojno-obrazovnog rada ustanove i učestvuje u analizi rezultata odgojno-obrazovnog procesa. Organizuje radionice za djecu, organizuje edukativna i odgojna predavanja za djecu, roditelje i nastavno osoblje, učestvuje u izradi godišnjeg plana i programa rada ustanove, savjetuje i pomaže u radu odgajateljima/nastavnicima, drugim stručnim saradnicima i roditeljima, predlaže mjere za poboljšanja, učestvuje u radu komisija za procjenu djece prilikom polaska u prvi razred. Opservira sa stručnim timom škole i prati i pruža podršku djeci s teškoćama u razvoju, saraduje sa Mo-bilnim stručnim timom Centra za razvoj inkluzivnih praksi na području kantona i ostalim ustanovama uključenim u realizaciju Plana brige (provedba Programa sekundarne prevencije). Kao dio stručnog tima učestvuje u planiranju rada s djecom, izrađuje i provodi preventivne programe, vodi odgovarajuću pedagošku dokumentaciju, stručno se usavršava i obavlja druge poslove u cilju unapređivanja i razvoja odgojno-obrazovne djelatnosti škole.

Pedagog/Pedagog-psiholog u radu sa odgajateljima/nastavnicima provjerava realizaciju rada odgajatelja/nastavnika (uže stručni pedagoški nadzor na nastavi, opservacija kvalitete nastavnog i cjelokupnog odgojno-obrazovnog rada, realizaciju planova i programa i sl.), analizira rezultate škole na područjima uspjeha, vladanja, popravnih ispita i sl. U kontekstu polugodišnjih i godišnjih izvještaja. Organizira istraživački rad u školama i stručno usavršavanje nastavnika, kao i odgojna i edukativna predavanja za roditelje. Pedagog/Pedagog-psiholog obavlja i druge poslove određene Zakonom, Pedagoškim standardima, Pravilima škole i drugim općim aktima škole i druge poslove po nalogu direktora i organa upravljanja

OPĆI UVJETI ZA IZBOR NA UPRAŽNJENA
RADNA MJESTA:

- a) da je državljanin BiH,
- b) da je stariji od 18 godina,
- c) da ima odgovarajuću diplomu, odnosno stepen stručne spreme utvrđen Na-stavnim planom i programom za osnovne škole ili Pedagoškim standardima i normativima za osnovno obrazovanje,
- d) da je zdravstveno sposoban za obavljanje poslova utvrđenim za to radno mjesto,
- e) da nije obuhvaćen odredbom člana IX.1. Ustava Bosne i Hercegovine,
- f) da nije osuđen za krivično djelo koje ga s obzirom na prirodu krivičnog djela čini nesigurnim ili na drugi način nepodobnim za rad sa djecom
- g) da se protiv njega ne vodi krivični postupak

- (2) Lica koja su rođena poslije 1980. godine nisu dužna podnositi dokaze o ispunjavanju uvjeta iz tačke e) stav 1) ovog člana.

POSEBNI UVJETI

- 1. Nastavnik demokratije i ljudskih prava: VI ili VII stepen stručne spreme (nastavnički/profesorski ili odgovarajući bolonjski ciklus). Kandidat može posjedovati certifikat o uspješno završenoj obuci iz programa CIVITAS 'Osnove demokratije'.
- 2. Nastavnik muzičke kulture: Završena odgovarajuća nastavnička ili muzička školska sprema u skladu sa važećim propisima (I, II ili III ciklus Bolonjskog sistema, 180/240 ECTS).
- 3. Nastavnik informatike: VI, VII ili odgovarajući stepen stručne spreme iz područja informatike ili završen odgovarajući ciklus Bolonjskog sistema (180/240 ECTS).
- 4. Nastavnik engleskog jezika i književnosti: VI ili VII stepen stručne spreme ili završen I ciklus nastavničkog fakulteta (180/240 ECTS), odnosno odgovarajuća diploma za predavanje stranog jezika.
- 5. Nastavnik bosanskog jezika i književnosti: VI ili VII stepen stručne spreme ili završen I ciklus nastavničkog fakulteta (180/240 ECTS) u predmetnoj grupi bosanski/hrvatski/srpski jezik i književnost.
- 6. Nastavnik geografije: VI ili VII stepen stručne spreme (nastavnik/profesor/bachelor navedenog predmeta) odnosno završen I ciklus Bolonjskog sistema (180/240

ECTS).

7. Nastavnik historije: VI ili VII stepen stručne spreme (nastavnik/profesor/bachelor navedenog predmeta) odnosno završen I ciklus Bolonjskog sistema (180/240 ECTS).

8. Ložadž (pozicija broj 8): III, IV ili V stepen mašinskog usmjerenja i certifikat o osposobljenosti za obavljanje poslova rukovaoca centralnog grijanja (ložadž).

9. Domar (pozicija broj 9): III, IV ili V stepen građevinskog, mašinskog ili drvo-prerađivačkogusmjerenja.

10. Pedagog / Pedagog-psiholog
Poslove i zadatke pedagoga, pedagoga-psihologa mogu obavljati lica sa:
- stečenim VII stepenom stručne spreme i zvanjem: profesor pedagogije ili diplomirani pedagog ili diplomirani pedagog-psiholog.
- završenim drugim ciklusom bolonjskog visokoobrazovnog procesa i stečeni zvanjem: (magistar/master pedagogije – akademski smjer ili magistar/master pedagogije – strukovni smjer ili magistar master pedagogije – specijalna pedagogija ili magistar/master pedagogije ili druga studijska grupa (dvopredmetni studij) sa prethodno završeni prvi ciklusom studija pedagogije.
- završenim prvim ciklusom studija u inostranstvu na akreditovanoj visokoškolskoj ustanovi (koja se nalazi u zvaničnoj evidenciji ENIC/NARIC mreže) za koju je proveden postupak priznavanja inostranih visokoškolskih kvalifikacija od strane javnih univerziteta u BiH za sticanje odgovarajuće visokoškolske kvalifikacije prvog ciklusa visokog obrazovanja.Mjesto obavljanja rada u centralnoj školi.Puno radno vrijeme.

UZ PRIJAVU KANDIDATI/KANDIDATKINJE SU DUŽNI PRILOŽITI DOKAZE O ISPUNJAVANJU PROPISANIH UVJETA:

1) svojeručno potpisana pisana prijava na konkurs sa kratkom biografijom, kontakt podacima kandidata, tačnom naznakom na koju poziciju konkuriše i tačno navedenom dokumentacijom koja se prilaže uz prijavu na konkurs,

2) diploma/svjedodžba o stečenoj stručnoj spremi ili akademskom zvanju, ovjerena kopija,

3) izvod iz matične knjige rođenih, original ili ovjerena kopija,

4) uvjerenje o državljanstvu (ne starije od 6 mjeseci), od dana objavljivanja konkursa,

5) ovjerena izjava kod nadležnog organa da nije otpušten iz državne službe kao rezultat disciplinske mjere na bilo kojem nivou vlasti u BiH,

6) druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilnikom o unutrašnjoj organizaciji i sistematizaciji radnih mjesta,

7) Rješenje/uvjerenje nadležnog kantonalnog/općinskog organa o priznavanju svojstva užeg člana porodice šehida-/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca, ratnog vojnog invalida, civilne žrtve rata i člana porodice civilnih žrtava rata.

U SLUČAJU POTREBE PRIMJENE ČLANA 11. stav (5) i (6) Pravilnika za

prijem u radni odnos u osnovnim i srednjim školama Unsko-sanskog kantona („Službeni glasnik USK-a, broj: 29/21) kandidati su dužni dostaviti dodatnu dokumentaciju:

1. Uvjerenje o dužini radnog iskustva na poslovima radnog mjesta za koje konkuriše (uvjerenje poslodavca kod kojeg je kandidat radio ili radi, koje mora biti precizno i detaljno, odnosno u kojem treba da stoje podaci o tome na kojim poslovima je kandidat radio, naziv radnog mjesta i stručna sprema, vremenski period obavljanja poslova, te da li su to poslovi na puno ili nepuno radno vrijeme. Poslodavac je dužan nepuno radno vrijeme preračunati u puno radno vrijeme.

2. Kandidati koji su obuhvaćeni Zakonom o dopunskim pravima branioca i članova njihovih porodica Unsko-sanskog kantona dužni su dostaviti rješenje nadležnog organa o pripadajućim pravima koje glase na njihovo ime.

Dokumentacija koja se podnosi uz prijavu mora biti u originalu ili u ovjerenoj kopiji i ne može biti starija od 6 mjeseci.

Izbor i prijem kandidata prijavljenih na konkurs izvršit će se na osnovu Pravilnika za prijem u radni odnos u osnovnim i srednjim školama Unsko-sanskog kantona („Službeni glasnik USK-a“, broj: 27/21), u daljem tekstu: „Pravilnik“.

Komisija za izbor nastavnika i stručnih saradnika, Komisija za izbor pomoćno-tehničkog osoblja obaviti će postupak izbora kandidata koji ispunjavaju uvjete konkursa. O ishodu postupka izbora kandidati će biti obaviješteni putem telefona, a lista kandidata bit će objavljena na oglasnoj tabli škole.

Kandidati koji se ne kvalifikuju za daljnju proceduru bit će obaviješteni pismenim putem sa poukom o pravnom lijeku.

Konkurs ostaje otvoren 8 (osam) dana od dana objavljivanja u dnevnim I sedmičnim novinama. Nepotpune, neuredne i neblagovremene prijave neće se uzimati u razmatranje.

Izabrani kandidati su dužni prije stupanja na posao dostaviti ljekarsko uvjerenje nadležne zdravstvene ustanove koje ne može biti starije od 6 mjeseci i uvjerenje o nekažnjavanju koje izdaje Ministarstvo unutrašnjih poslova prema mjestu rođenja osobe.

Kompletan tekst javnog konkursa možete pogledati na službenoj web stranici Ministarstva obrazovanja USK: www.obrazovanje.vladnusk.ba i na internet stranici službe za zapošljavanje USK: <http://www.usk-szz.ba/nova/index.php>

Za dodatna obavještenja i informacije u vezi konkursa možete kontaktirati školu/sekretara na broj: 037/520-003

Prijave sa potrebnom dokumentacijom dostaviti u roku od 8 (osam) dana od objave javnog konkursa Komisiji, u zatvorenoj koverti putem pošte, preporučeno na adresu:

**JU OŠ “Tržačka Raštela”
Tržačka Raštela,
77235 Tržačka Raštela**

„NE OTVARAJ - PRIJAVA NA JAVNI KONKURS”

*Direktor škole
Suvad Tahirović*

Broj: 1462/25 Datum: 30.9.2025.

Na osnovu člana 111. Zakona o osnovnom odgoju i obrazovanju („Službeni glasnik Unsko-sanskog kantona“, broj: 19/23 i 20/24), člana 8. i 9. Kolektivnog ugovora za djelatnost predškolskog i osnovnog obrazovanja i odgoja za teritorij Unsko-sanskog kantona („Sl.glasnik USK-a“, broj: 11/24.), člana 3. Pravilnika za prijem u radni odnos u odgojno-obrazovnim ustanovama Unsko-sanskog kantona („Sl.glasnik USK-a“ broj:29/21.), Saglasnosti Ministarstva obrazovanja, nauke, kulture i sporta USK-a broj: 10-34-9861-2/25 od 18.08.2025. godine, Odluke Školskog odbora broj: 1458/25 od 30.09.2025.godine JU OŠ „25. novembar“ Velika Kladuša upućuje

O B A V I J E S T

o objavi konkursa za popunu upražnjenih radnih mjesta

Kompletan tekst javnog konkursa će biti objavljen 03.10.2025.godine na službenoj web stranici ministarstva obrazovanja USK: <http://vladausk.ba/v4/novost/konkursi-za-popunu-upraznjenih-radnih-mjesta/672> i na internet stranici službe za zapošljavanje usk: <http://www.usk-szz.ba/nova/index.php>.

*Direktorica Škole:
/Veldina Alibegić, prof./*

**UNSKO-SANSKI KANTON
OPĆINA SANSKI MOST
JU OŠ “Hasan Kikić”
SANSKI MOST
ID br.4263 104 23 0003
Tel: 037/685-271**

JU OŠ “Hasan Kikić” Sanski Most obaviještava sve zainteresirane kandidate da je puni tekst

**KONKURSA
za popunu radnih mjesta**

objavljen na internet stranici JU Služba zapošljavanja USK-a jusluzap@bih.net.ba; info@usk-szz.ba i internet stranici Ministrstva obrazovanja USK-a obrazovanje.usk@gmail.com, dana 03.10.2025. godine

*Direktor
Jasmin Burnić*

SANSKI MOST

Silaža u toku, urod kukuruza prepolovljen



Poljoprivrednici na području Općine Sanski Most započeli su pripremu silaže u godini kada je dugi sušni period prepolovio poljoprivredne prinose. Vremenske prilike ove godine nisu pogodovale poljoprivrednim kulturama, a najviše je stradao kukuruz.

Enes Tatarević, vlasnik farme „Tatarević“ kaže kako je značajne površine zasijao na području Palanačkog polja, na nadmorskoj visini koja je doprinijela da se u određenoj mjeri kukuruz sačuva, dok su prinosi u nižim predjelima praktično prepolovljeni. Obzirom da je proizvodnja stočne hrane u ovoj godini značajno smanjena, to je već dovelo do njenog poskupljenja na tržištu, pa su cijene žitarca i krmnog bilja krenule gore i dostići će astronomske cifre, kaže Tatarević.

Sve bi se to moglo odraziti na proizvodnju, a možda čak i na rast cijena mlijeka. U Ministarstvu poljoprivrede, vodoprivrede i šumarstva Unsko-sanskog kantona navode kako u ovakvim prilikama neminovno dolazi do poskupljenja žitarica i stočne hrane, pa se očekuje i određeno smanjenje u stočnom fondu. Navode kako će pratiti cjelokupnu situaciju i sagledati rezultate kada se završi silaža, te eventualno djelovati u skladu sa mogućnostima.

Prošla godina bila je uspješna za proizvođače mlijeka na području Unsko-sanskog kantona, došlo je do povećanja ukupne proizvodnje za oko 15 posto u odnosu na raniji period, ali bi postignuti napredak, zbog trenutne situacije, mogao biti ugrožen.

Izvor: RTV Sana

Na osnovu člana 46. stav (6) Zakona o izvršavanju Budžeta Unsko-sanskog kantona za 2025. godinu („Službeni glasnik Unsko-sanskog kantona“, broj: 1/25), Programa poticaja razvoja turizma za 2025. godinu, broj: 03-02-51-1119/2025 od 19.09.2025. godine i Odluke o usvajanju Programa utroška sredstava „Subvencije privatnim preduzećima i poduzetnicima - oblast turizma“ iz Budžeta Unsko-sanskog kantona-Ministarstva privrede za 2025. godinu broj: 03-02-51-1120/2025 od 19.09.2025. godine Ministarstvo privrede objavljuje:

JAVNI POZIV
za odabir korisnika sredstava po Programu poticaja razvoja turizma
za 2025. godinu po mjeri “Jačanje konkurentnosti subjekata male privrede
- FIZIČKIH LICA u turističko-ugostiteljskoj djelatnosti“

I PREDMET JAVNOG POZIVA

Predmet Javnog poziva je prikupljanje prijava subjekata male privrede - fizičkih lica u turističko-ugostiteljskoj djelatnosti, definisanih Zakonom o poticaju razvoja male privrede za sufinansiranje projekata prihvatljivih troškova definisanih tačkom V ovog Javnog poziva.

II PRAVO UČEŠĆA

Pravo učešća imaju subjekti male privrede definisani Zakonom o poticaju razvoja male privrede („Službeni glasnik Unsko-sanskog kantona“, broj: 19/11) - fizička lica registrirana do 31.12.2024. godine, čija je osnovna ili dodatna djelatnost turističko-ugostiteljskog sektora, unutar dozvoljenih određenih područja po Klasifikaciji djelatnosti KD BiH 2010 („Službeni glasnik BiH“, broj: 47/10) definisanih članom 10. Programa poticaja razvoja turizma za 2025. godinu (u daljem tekstu: Program)

III USLOVI ZA DODJELU SREDSTAVA

Pravo na dodjelu poticajnih sredstava ostvaruju fizička lica definisana tačkom II ovog Javnog poziva, a koja ispunjavaju sljedeće uslove:

a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar sljedećih područja/oblasti djelatnosti prema Klasifikaciji djelatnosti KD BiH 2010 („Službeni glasnik BiH“, broj: 47/10) na dan 31.12.2024. godine:

RB	PODR-UČJE	OBLAST /GRANA/ RAZRED	DJELATNOSTI ZA KOJE SE DODJELJUJU POTICAJNA SREDSTVA
1.	I	55.10	Hoteli i sličan smještaj
		55.20	Odmarališta i slični objekti za kraći odmor
		55.30	Kampovi i prostori za kampiranje
		55.90	Ostali smještaj
		56.10	Djelatnosti restorana i ostalih objekata za pripremu i usluživanje hrane
		56.21	Djelatnosti kateringa
		56.29	Ostale djelatnosti pripreme i usluživanja hrane
		56.30	Djelatnosti pripreme i usluživanja pića
2.	N	77.21	Iznajmljivanje i davanje u zakup (leasing) opreme za rekreaciju i sport
		77.34	Iznajmljivanje i davanje u zakup (leasing) plovnih prijevoznih sredstava
		79.11	Djelatnosti putničkih agencija
		79.12	Djelatnosti turoperatora
		79.90	Ostale rezervacijske usluge i djelatnosti povezane s njima
3.	R	93.21	Djelatnosti zabavnih i tematskih parkova

- b) da su registrovani do 31.12.2024. godine i imaju sjedište na području Kantona;
- c) imaju pozitivno poslovanje u 2024. godini;
- d) da upošljavaju najmanje jednog (1) radnika (uključujući vlasnika) na neodređeno vrijeme zaključno sa danom objave Javnog poziva;
- e) da osiguraju vlastito sufinansiranje u ukupnoj vrijednosti projekta minimalno 40 %;
- f) da uredno izmiruju direktne poreze, doprinose za PIO/MIO i zdravstveno osiguranje i ostale naknade, prihode i takse (podnosioci prijava koji imaju sklopljen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektne poreze, ostale naknade, prihode i takse, ukoliko su u sistemu PDV-a;
- h) da nije pokrenut ili okončan postupak stečaja ili likvidacije ili postupak gašenja, obustave ili ograničenja po-

slovne aktivnosti;

- i) da se protiv lica ovlaštenog za zastupanje ne vodi krivični postupak i nije pravosnažno osuđeno za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH;
- j) da imaju izmirene obaveze po osnovu uplate bora-višne takse (subjekti koji pružaju usluge smještaja);
- k) da su opravdali sredstva dodjeljena po bilo kojem programu Ministarstva u prethodne tri godine ili izvršili svoju obavezu obavezu povrata sredstava te o istom oba-vijestili Ministarstvo uz prilaganje dokaza o izvršenom povratu, a sve do dana zatvaranja ovog Javnog poziva.

IV UKUPAN IZNOS RASPOLOŽIVIH SREDSTAVA I IZNOS KOJI SE DODJELJUJE

Sredstva za implementaciju obezbjeđena su u Budžetu

Ministarstva na ekonomskom kodu 614500 FAP004 - „Subvencije privatnim preduzećima i poduzetnicima - oblast turizma“ u ukupnom iznosu od 1.000.000,00 KM od čega raspoređenih za mjeru „Jačanje konkurentnosti subjekata male privrede - fizička lica u turističko-ugostiteljskoj djelatnosti“ iznos od 400.000,00 KM.

Minimalni iznos sredstava za fizička lica po jednom korisniku iznosi 1.000,00 KM, a maksimalni 8.000,00 KM, osim za djelatnosti 56.21 Djelatnosti kateringa i 56.30 Djelatnosti pripreme i usluživanja pića gdje mak-simalni iznos sredstava koji se može odobriti iznosi 5.000,00 KM.

Ukoliko podnosioci prijava podnose prijave samo i isključivo za učešće na domaćim i međunarodnim saj-movima kao izlagači može se odobriti maksimalno do 2.000,00 KM.

V NAMJENA UTROŠKA SREDSTAVA

Sredstva iz tačke IV ovog Javnog poziva namjenjena su za sufinansiranje sljedećih prihvatljivih troškova: oprema kojom se omogućava pristup osobama sa invalidite-tom u vanjske i unutrašnje prostore (liftovi, pristupne rampe i slično) i posebna sanitarna oprema za osobe sa invaliditetom (sanitarni čvorovi); nabavka softverskih rješenja i hardverske opreme; unutrašnje uređenje pos-lovnog prostora (materijal i usluge za građevinske i instalacijske radove); unutrašnje opremanje objekta op-remom neophodnom za obavljanje djelatnosti, izuzev opreme isključene u člana 6. stavu (4) Programa; naba-vka sportske i rekreativne opreme za dodatne sadržaje (oprema za biciklizam, jahanje, pecanje, planinarenje, oprema za sportove, rekreativne i trim staze, oprema za kampovanje, oprema za vodeni turizam kao što su ka-nui, kajaci, čamci, splavovi, itd.); nabavka sigurnosne i zaštitne opreme (kacige, sigurnosni prsluci itd.); ulaga-nje u izgradnju stanica za punjenje električnih vozila; ulaganje u izgradnju, adaptaciju, sanaciju, dogradnju i rekonstrukciju sportskih i rekreativnih terena (unutra-šnjih i vanjskih), wellness i spa objekata, bazena, jacuzzi-ja, dječijih igrališta; ulaganje u izgradnju, adaptaciju, sanaciju, dogradnju i rekonstrukciju objekata za držanje životinja u sportske i turističke svrhe (npr. štale za konje i ostalo); postavljanje/izgradnju info tačaka ili suvenir-nica, kućica za prodaju lokalnih proizvoda; brendiranje djelatnosti/ usluga/ proizvoda; promocija (promo mater-ijali, brošure, video materijali), modernizacije i inovacije poslovnih procesa – uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i stjecanje prava ili obnavljanja upotrebe: ISO standardi i drugih međunarodnih standarda i učešće na domaćim i među-narodnim sajmovima kao izlagači.

Svako korištenje odobrenih sredstava suprotno namje-nama utvrđenim u stavu (1) ovog člana smatrat će se nenamjenskim utroškom.

Unutar dozvoljenih prihvatljivih troškova utvrđenih u stavu (1) ovog člana aplikant na Program može aplicirati samo za one koji koreliraju s njegovom djelatnosti, a koje će konkretno iskazati u svom Prijavnom obrascu.

Neprihvatljivi troškovi za koje se ne mogu koristiti sred-stva su naročito: rabljene mašine, uređaji i oprema; sto-lovi i stolice za unutrašnje i vanjske prostore, uključujući jastuke, lounge sofe i garniture; podizanje krovnih kon-strukcija; repromaterijal; vanjski građevinski radovi (osim prihvatljivih troškova navedenih u stavu (1) ovog člana); police osiguranja imovine i ljudi; kupovina i izna-jmljivanje objekata, zemljišta, svih motornih i priklju-čnih vozila; kupovina, obnova, rekonstrukcija ili mode-rnizacija objekta za najam ili prodaju; plaće i doprinosi na plaće; nabavka roba i usluga od lica koja nisu regi-strovani poslovni subjekti kao i dobavljača koji spadaju u kategoriju povezanih lica sa podnosiocima prijava (isti vlasnik i/ili suvlasnik pravnog lica, vlasništvo i/ili suvla-sništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju među-sobno povezane ili zajedničke investicije); cesije, krediti, leasing, kompenzacije i svi ostali troškovi koji nisu u skladu sa namjenom projekta iskazanom u Prijavnom obrascu.

VI ROK ZA IMPLEMENTACIJU PROJEKTA

Rok za implementaciju projekta je šest (6) mjeseci od dana potpisivanja Ugovora o dodjeli sredstava.

VII ZABRANA OTUĐENJA SREDSTAVA I PRESTANAK OBAVLJANJA DJELATNOSTI

Korisnici koji dobiju sredstva po Programu i ovom Javnom pozivu ne mogu prestati sa radom, niti smiju nabavljena sredstva i opremu prodati niti na bilo koji drugi način otuđiti u periodu od minimalno jedne godine od dana potpisivanja Ugovora o dodjeli sredstava, a u suprotnom su u obavezi vratiti dodjeljena sredstva u cjelokupnom iznosu.

VIII KRITERIJI ZA ODABIR KORISNIKA

Kriteriji za odabir korisnika su:

1. Broj zaposlenih,
2. Broj zaposlenih iz ciljnih skupina (žene, mladi do 35 godina i osobe sa invaliditetom)
3. Visina vlastitog učešća u ukupnoj vrijednosti projekta (minimalno 40%),
4. Stepen razvijenosti jedinice lokalne uprave u kojoj posluje subjekt male privrede,
5. Korištenje poticaja Ministarstva privrede u prethodne tri godine.

IX PRIJAVA PO JAVNOM POZIVU

Prijava na Javni poziv vrši se putem Prijavnog obrasca (**Aneks FL-I**) koji se preuzima direktno sa web stranice Vlade Kantona www.vladausk.ba.

Fizička lica uz Prijavni obrazac dostavljaju slijedeću dokumentaciju:

- a) Izjava o vlastitom učešću finansijskih sredstava za realizacij projekta (vlastito učešće u ukupnoj vrijednosti projekta minimalno 40 % - propisana i dostupna na web stranici Vlade Kantona www.vladausk.ba (**Aneks FL-II** – koji je sastavni dio Programa) ovjerena pečatom podnosioca prijave i potpisana od strane ovlaštene osobe;
- b) Rješenje o registraciji (obavljanju djelatnosti) nadležnog gradskog/općinskog organa iz kojeg se može pouzdano utvrditi da se navedena djelatnost obavlja kao osnovno ili dodatno zanimanje (ovjera ne starija od 3 mjeseca od dana objave Javnog poziva);
- c) Ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
- d) Ovjerena kopija Obavijesti o razvrstavanju subjekta prema djelatnosti usklađeno sa klasifikacijom djelatnsti KD BiH 2010 Federalni zavod za statistiku (ovjera ne starija od 3 mjeseca od dana objave Javnog poziva);
- e) Original ili ovjerena fotokopija Uvjerenja od Porezne uprave o izmirenju direktnih poreza, ostalih naknada, prihoda i taksa, doprinosa za PIO/MIO i doprinosa za zdravstveno zdravstveno osiguranje za sve uposlene radnike (ne starije od 3 mjeseca od dana objave Javnog poziva);
- f) Original ili ovjerena fotokopija Uvjerenja o urednom izmirenju indirektnih poreza ostalih naknada, prihoda i taksa od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
- g) Potvrda da su izmirene obaveze po osnovu uplate boravišne takse (dostavljaju subjekti koji pružaju usluge smještaja);
- h) Original ili ovjerena kopija Liste osiguranika izdana od strane Porezne uprave ne starija od 30 dana od dana objave Javnog poziva;
- i) Kopija Specifikacija za utvrđivanje dohotka od samostalne djelatnosti (Obrazac SPR-1053) za 2024. godinu sa pečatom prijema Porezne uprave ili šifrom DLN ili Rješenje o paušalnom plaćanju poreza;
- j) Original ili ovjerena kopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti (ne starija od 3 mjeseca od dana objave Javnog poziva);
- k) Izjava podnosioca prijave o pripadnosti/nepripadnosti uposlenih radnika sa liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca prijave (**Aneks FL-III** – koji je sastavni dio Programa);
- l) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca

prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks FL-IV** – koji je sastavni dio Programa);

m) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor, karton deponovanih potpisa, potvrda);

n) **Ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije). Dostavljena ponuda ili predračun ne smiju biti stariji od dana objave Javnog poziva. Ukoliko se radi o ino ponudi ista mora biti prevedena, potpisana i ovjerena o strane sudskog tumača;**

o) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba) (**Aneks FL-V** – koji je sastavni dio Programa).

Prijave koje ne sadrže kompletnu dokumentaciju koja se traži Javnim pozivom će biti odbačene kao nepotpune i neće biti predmet daljeg razmatranja.

Neblagovremene prijave neće se uzeti u razmatranje.

Podnosioci prijava mogu podnijeti samo jednu prijavu po jednoj mjeri iz Programa, a u slučaju više prijava istog podnosioca sve prijave će biti odbačene kao neosnovane i neće biti predmet daljeg razmatranja. Također, prijava podnosioca koji je ostvario pravo na poticaj ovog Ministarstva po Programu poticaja razvoja male privrede za 2025. godinu biti će odbačena.

X OBRADA PRIJAVA I IZBOR KORISNIKA

Za obradu prijava po Javnom pozivu za odabir korisnika sredstava po Programu poticaja razvoja turizma za 2025. odinu po mjeri „*Jačanje konkurentnosti subjekata male privrede - fizička lica u turističko-ugostiteljskoj djelatnosti*“ ministar Ministarstva privrede (u daljem tekstu: Ministar) Rješenjem imenuje Komisiju.

Komisija ima zadatak da u skladu sa kriterijama i procedurama utvrđenim Programom poticaja razvoja turizma za 2025. godinu i Javnim pozivom izvrši evaluaciju i bodovanje, sačini preliminarne rang liste korisnika sredstava (fizičkih lica) i liste aplikanata (fizičkih lica) čije su prijave neblagovremene, nepotpune i neosnovane, te iste dostavi Ministru. Liste se objavljuju na web stranici Vlade Kantona: www.vladausk.ba.

Na objavljene liste subjekti male privrede, imaju pravo prigovora koji se podnosi Ministarstvu u pisanoj formi, u roku od osam (8) dana od dana objavljivanja listi na web stranici Vlade Kantona: www.vladausk.ba.

Nakon isteka roka za prigovor i nakon rješavanja po uloženim prigovorima u roku od 8 dana od dana isteka roka za podnošenje prigovora, Ministar donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, na koje Vlada Kantona daje saglasnost i iste se objavljuje na web stranici Vlade Kantona.

XI NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

*Ministarstvo privrede Unsko-sanskog kantona,
Alije Đerzeleza 2,
77 000 Bihać,*

sa naznakom:

*Prijava po Javnom pozivu
„Jačanje konkurentnosti subjekata male privrede- fizička lica u turističko-ugostiteljskoj djelatnosti“
„NE OTVARAJ“*

Rok za podnošenje prijave je **30 (trideset)** dana od dana objave Javnog poziva.

Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje i iste se ne vraćaju podnosiocima prijave.

XII IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih tako i dodijeljenih sredstava. Izuzetno, može se izvršiti izmjena utroška sredstava najviše u visini do 20 % ukupne vrijednosti dodijeljenih sredstava.

Korisnici sredstava su obavezni dodijeljena sredstva po Programu i ovom Javnom pozivu koristiti namjenski i dužni su dostaviti Izvještaj na propisanom obrascu „Izvještaj o utrošku sredstava“ (propisan i dostupan na web stranici Vlade Kantona www.vladausk.ba), sa kompletnom dokumentacijom kojom se dokazuje namjenski utrošak sredstava.

Rok za dostavu Izvještaja je **najkasnije 15 dana** od dana isteka roka za implementaciju projekta.

Nedostavljanje Izvještaja o utrošku sredstava, kao i nenamjenski ili neopravdan utrošak sredstava predstavljaju razlog za povrat sredstava.

Programom poticaja razvoja turizma za 2025. godinu detaljno je definisana dokumentacija kojom se pravda namjenski utrošak sredstava, a ista će se regulisati i Ugovorom o dodjeli sredstava.

XIII POVRAT DODIJELJENIH SREDSTAVA

Ministarstvo će korisniku sredstava rješenjem narediti povrat cjelokupnog ili dijela iznosa dodijeljenih sredstava u procentualnom učešću Ministarstva ako utvrdi da su dodijeljena sredstva upotrijebljena suprotno odredbama Zakona o poticaju razvoja male privrede, Programa, ovog javnog poziva ili ugovora o dodjeli sredstava.

XIV OSTALE INFORMACIJE

U slučaju da se nakon provedenog Javnog poziva i odabira korisnika sredstava po pojedinačnoj poticajnoj mjeri ne utroše planirana finansijska sredstva za implementaciju definisana članom 4. Programa, sredstva će se preraspodijeliti na poticajnu mjeru za koju planirana sredstva nisu dovoljna, a o kojima će Ministarstvo predložiti Vladi Kantona Odluku o izmjeni Odluke o usvajanju Programa utroška sredstava „Subvencije privatnim preduzećima i poduzetnicima - oblast turizma“ iz Budžeta Unsko-sanskog kantona - Ministarstvo privrede za 2025. godinu po Programu poticaja razvoja turizma za 2025. godinu.

Sredstva se dodjeljuju korisnicima u skladu sa bodovnim Konačnim rang listama korisnika sredstava do utroška sredstava predviđenih za implemetaciju pojedinačne poticajne mjere, a nakon eventualne preraspodjele gore definisane.

Sredstva iz člana 4. Programa se dodjeljuju u vidu državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 200.000 EUR u tri uzastopne fiskalne godine shodno članu 2. stav (1) tačka c) Zakona o sistemu državne pomoći u Bosni i Hercegovini („Službeni glasnik BiH“ broj: 10/12 i 39/20).

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona obustavlja se realizacija dodjele sredstava.

Ministarstvo ne snosi troškove nastale u vezi sa prijavom na Javni poziv.

Zaprimljena dokumentacija će se vratiti podnosiocima prijava samo na pismeni zahtjev, u slučaju poništavanja Javnog poziva ili obustave postupka usljed nedostatka sredstava u Budžetu Kantona.

Za dodatne informacije podnosioci prijave na ovaj Javni poziv se upućuju na odredbe Programa poticaja razvoja turizma za 2025. godinu koji je objavljen na web stranici Vlade Kantona www.vladausk.ba kao i na e-mail adresu: turizam.privreda@vladausk.ba

U Bihaću, dana, 29.09.2025. godine

*Ministrica:
Samra Mehić, scr.*

Na osnovu člana 46. stav (6) Zakona o izvršavanju Budžeta Unsko-sanskog kantona za 2025. godinu („Službeni glasnik Unsko-sanskog kantona“, broj: 1/25), Programa poticaja razvoja turizma za 2025. godinu, broj: 03-02-51-1119/2025 od 19.09.2025. godine i Odluke o usvajanju Programa utroška sredstava „Subvencije privatnim preduzećima i poduzetnicima - oblast turizma“ iz Budžeta Unsko-sanskog kantona-Ministarstva privrede za 2025. godinu broj: 03-02-51-1120/2025 od 19.09.2025. godine Ministarstvo privrede objavljuje:

JAVNI POZIV

za odabir korisnika sredstava po Programu poticaja razvoja turizma za 2025. godinu po mjeri,„Jačanje konkurentnosti subjekata male privrede - PRAVNIH LICA u turističko - ugostiteljskoj djelatnosti“

I PREDMET JAVNOG POZIVA

Predmet Javnog poziva je prikupljanje prijava subjekata male privrede - **pravnih lica** u turističko-ugostiteljskoj djelatnosti, definisanih Zakonom o poticaju razvoja male privrede za **sufinansiranje projekata** prihvatljivih troškova definisanih tačkom V ovog Javnog poziva.

II PRAVO UČEŠĆA

Pravo učešća imaju subjekti male privrede definisani Zakonom o poticaju razvoja male privrede („Službeni glasnik Unsko-sanskog kantona“, broj: 19/11) – **pravna lica (samostalno ili za poslovnu jedinicu) registrirani do 31.12.2024.** čija je osnovna djelatnost turističko-ugostiteljskog sektora, unutar dozvoljenih određenih područja po Klasifikaciji djelatnosti KD BiH 2010 („Službeni glasnik BiH“, broj: 47/10) definisanih članom 10. Programa poticaja razvoja turizma za 2025. godinu (u daljem tekstu: Program)

III USLOVI ZA DODJELU SREDSTAVA

Pravo na dodjelu poticajnih sredstava ostvaruju pravna lica definisana tačkom II ovog Javnog poziva, a koja ispunjavaju sljedeće uslove:

a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar sljedećih područja/oblasti djelatnosti prema Klasifikaciji djelatnosti KD BiH 2010 („Službeni glasnik BiH“, broj: 47/10) na dan 31.12.2024. godine:

RB	PODR-UČJE	OBLAST /GRANA/ RAZRED	DJELATNOSTI ZA KOJE SE DODJELJUJU POTICAJNA SREDSTVA
1.	I	55.10	Hoteli i sličan smještaj
		55.20	Odmarališta i slični objekti za kraći odmor
		55.30	Kampovi i prostori za kamping
		55.90	Ostali smještaj
		56.10	Djelatnosti restorana i ostalih objekata za pripremu i usluživanje hrane
		56.21	Djelatnosti kateringa
		56.29	Ostale djelatnosti pripreme i usluživanja hrane
		56.30	Djelatnosti pripreme i usluživanja pića
2.	N	77.21	Iznajmljivanje i davanje u zakup (leasing) opreme za rekreaciju i sport
		77.34	Iznajmljivanje i davanje u zakup (leasing) plovnih prijevoznih sredstava
		79.11	Djelatnosti putničkih agencija
		79.12	Djelatnosti turoperatora
		79.90	Ostale rezervacijske usluge i djelatnosti povezane s njima
3.	R	93.21	Djelatnosti zabavnih i tematskih parkova

- b) da su registrovani do 31.12.2024. godine i imaju sjedište na području Kantona;
- c) imaju pozitivno poslovanje u 2024. godini;
- d) da upošljavaju najmanje dva (2) radnika na neodređeno vrijeme zaključno sa danom objave Javnog poziva;
- e) da osiguraju vlastito sufinansiranje u ukupnoj vrijednosti projekta minimalno 40 %;
- f) da uredno izmiruju direktne poreze, doprinose za PIO/MIO i zdravstveno osiguranje i ostale naknade, prihode i takse (podnosioci prijava koji imaju sklopljen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektne poreze, ostale naknade, prihode i takse, ukoliko su u sistemu PDV-a;
- h) da nije pokrenut ili okončan postupak stečaja ili likvidacije ili postupak gašenja, obustave ili ograničenja poslovne aktivnosti;
- i) da se protiv lica ovlaštenog za zastupanje ne vodi

krivični postupak i nije pravosnažnoosuđeno za prekršaj i/ili počinjenje krivičnog djela organiziranog kriminala, korupcije,prevare ili pranja novca u skladu sa važećim propisima u BiH;

j) da imaju izmirene obaveze po osnovu uplate boravišne takse (subjekti koji pružaju usluge smještaja ili imaju registrovane poslovne jedinice koje pružaju usluge smještaja);

k) da su opravdali sredstva dodjeljena po bilo kojem programu Ministarstva u prethodne tri godine ili izvršili svoju obavezu obavezu povrata sredstava te o istom obavijestili Ministarstvo uz prilaganje dokaza o izvršenom povratu, a sve do dana zatvaranja ovog Javnog poziva.

IV UKUPAN IZNOS RASPOLOŽIVIH SREDSTAVA I IZNOS KOJI SE DODJELJUJE

Sredstva za implementaciju obezbjeđena su u Budžetu Ministarstva na ekonomskom kodu 614500 FAP004 - „Subvencije privatnim preduzećima i poduzetnicima -

oblast turizma“ u ukupnom iznosu od 1.000.000,00 KM od čega raspoređenih za mjeru,„Jačanje konkurentnosti subjekata male privrede - pravnih lica u turističko - ugostiteljskoj djelatnosti“ iznos od 600.000,00 KM. Minimalni iznos sredstava za pravna lica po jednom korisniku iznosi 2.000,00 KM, a maksimalni 20.000,00 KM, osim za djelatnosti 56.21 Djelatnosti kateringa i 56.30 Djelatnosti pripreme i usluživanja pića gdje maksimalni iznos sredstava koji se može odobriti iznosi 5.000,00 KM. Ukoliko podnosioci prijava podnose prijave samo i isključivo za učešće na domaćim i međunarodnim sajmovima kao izlagači može se odobriti maksimalno do 2.000,00 KM.

V NAMJENA UTROŠKA SREDSTAVA

Sredstva iz tačke IV ovog Javnog poziva namjenjena su za **sufinansiranje sljedećih prihvatljivih troškova:** oprema kojom se omogućava pristup osobama sa invaliditetom u vanjske i unutrašnje prostore (liftovi, pristupne rampe i slično) i posebna sanitarna oprema za osobe sa invaliditetom (sanitarni čvorovi); nabavka softverskih rješenja i hardverske opreme; unutrašnje uređenje poslovnog prostora (materijal i usluge za građevinske i instalacijske radove); unutrašnje opremanje objekta opremom neophodnom za obavljanje djelatnosti, izuzev opreme isključene u člana 6. stavu (4) Programa; nabavka sportske i rekreativne opreme za dodatne sadržaje (oprema za biciklizam, jahanje, pecanje, planinarenje, oprema za sportove, rekreativne i trim staze, oprema za kampovanje, oprema za vodeni turizam kao što su kanui, kajaci, čamci, splavovi, itd.); nabavka sigurnosne i zaštitne opreme (kacige, sigurnosni prsluci itd.); ulaganje u izgradnju stanica za punjenje električnih vozila; ulaganje u izgradnju, adaptaciju, sanaciju, dogradnju i rekonstrukciju sportskih i rekreativnih terena (unutrašnjih i vanjskih), wellness i spa objekata, bazena, jacuzzi-ja, dječijih igrališta; ulaganje u izgradnju, adaptaciju, sanaciju, dogradnju i rekonstrukciju objekata za držanje životinja u sportske i turističke svrhe (npr. štale za konje i ostalo); postavljanje/izgradnju info tačaka ili suvenirnica, kućica za prodaju lokalnih proizvoda; brendiranje djelatnosti/ usluga/ proizvoda; promocija (promo materijali, brošure, video materijali), modernizacije i inovacije poslovnih procesa - uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i stjecanje prava ili obnavljanja upotrebe: ISO standardi i drugih međunarodnih standarda i učešće na domaćim i međunarodnim sajmovima kao izlagači. Svako korištenje odobrenih sredstava suprotno namjenama utvrđenim u stavu (1) ovog člana smatrat će se nenamjenskim utroškom.

Unutar dozvoljenih prihvatljivih troškova utvrđenih u stavu (1) ovog člana aplikant na Program može aplicirati samo za one koji koreliraju s njegovom djelatnosti, a koje će konkretno iskazati u svom Prijavnom obrascu. **Neprihvatljivi troškovi** za koje se ne mogu koristiti sredstva su naročito: rabljene mašine, uređaji i oprema; stolovi i stolice za unutrašnje i vanjske prostore, uključujući jastuke, lounge sofe i garniture; podizanje krovnih konstrukcija; repromaterijal; vanjski građevinski radovi (osim prihvatljivih troškova navedenih u stavu (1) ovog člana); police osiguranja imovine i ljudi; kupovina i iznajmljivanje objekata, zemljišta, svih motornih i priključnih vozila; kupovina, obnova, rekonstrukcija ili modernizacija objekta za najam ili prodaju; plaće i doprinosi na plaće; nabavka roba i usluga od lica koja nisu registrovani poslovni subjekti kao i dobavljača koji spadaju u kategoriju povezanih lica sa podnosiocima prijava (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije); cesije, krediti, leasing, kompenzacije i svi ostali troškovi koji nisu u skladu sa namjenom projekta iskazanom u Prijavnom obrascu.

VI ROK ZA IMPLEMENTACIJU PROJEKTA

Rok za implementaciju projekta je šest (6) mjeseci od dana potpisivanja Ugovora o dodjeli sredstava.

VII ZABRANA OTUĐENJA SREDSTAVA I PRESTANAK OBAVLJANJA DJELATNOSTI

Korisnici koji dobiju sredstva po Programu i ovom Javnom pozivu ne mogu prestati sa radom, niti smiju nabavljena sredstva i opremu prodati niti na bilo koji

drugi način otuđiti u periodu od minimalno jedne godine od dana potpisivanja Ugovora o dodjeli sredstava, a u suprotnom su u obavezi vratiti dodjeljena sredstva u cjelokupnom iznosu.

VIII KRITERIJI ZA ODABIR KORISNIKA

Kriteriji za odabir korisnika su:

1. Broj zaposlenih,
2. Broj zaposlenih iz ciljnih skupina (žene, mladi do 35 godina i osobe sa invaliditetom)
3. Visina vlastitog učešća u ukupnoj vrijednosti projekta (minimalno 40 %),
4. Stepen razvijenosti jedinice lokalne uprave u kojoj posluje subjekt male privrede,
5. Korištenje poticaja Ministarstva privrede u prethodne tri godine.

IX PRIJAVA PO JAVNOM POZIVU

Prijava na Javni poziv vrši se putem Prijavnog obrasca (**Aneks PL-I**) koji se preuzima direktno sa web stranice Vlade Kantona www.vladausk.ba.

Pravna lica uz Prijavni obrazac dostavljaju slijedeću dokumentaciju:

- a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta u iznosu od minimalno 40 % -propisana i dostupna na web stranici Vlade Kantona www.vladausk.ba) (**Aneks PL-II** – koji je sastavni dio Programa), ovjerena pečatom podnosioca prijave i potpisana od strane ovlaštene osobe;
- b) Original ili ovjerena kopija **Aktualnog izvoda iz sudskog registra** (ne stariji od 3 mjeseca od dana objave Javnog poziva);
- c) Ovjerena kopija Uvjerenja o poreznoj registraciji (ID broj) i Uvjerenja o poreznoj registraciji poslovne jedinice ukoliko se Prijavni obrazac podnosi za poslovnu jedinicu (ovjera ne starija od 3 mjeseca od dana objave Javnog poziva);
- d) Ovjerena kopija Obavijesti o razvrstavanju subjekta prema djelatnosti, usklađeno sa klasifikacijom djelatnsti KD BiH 2010, Federalni zavod za statistiku i Obavijesti o razvrstavanju dijela subjekta ukoliko se Prijavni obrazac podnosi za poslovnu jedinicu (ovjera ne starija od 3 mjeseca od dana objave Javnog poziva);
- e) Original ili ovjerena kopija Uvjerenja od Porezne uprave o izmirenju direktnih poreza, ostalih naknada, prihoda i taksa, doprinosa za PIO/MIO i doprinosa za zdravstveno zdravstveno osiguranje za sve uposlene (ne starije od 3 mjeseca od dana objave Javnog poziva);
- f) Original ili ovjerena kopija Uvjerenja o urednom izmirenju indirektnih poreza ostalih naknada, prihoda i taksa od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
- g) Kopija bilansa stanja i bilansa uspjeha za 2024. godinu sa pečatom prijema od strane Financijsko-informatičke agencije (FIA);
- h) Original ili ovjerena kopija potvrde izdane od strane Suda da se ne vodi stečajni ili likvidacioni postupak ne starija od 3 mjeseca od dana podnošenja prijave;
- i) Original ili ovjerena kopija Liste osiguranika izdana od strane Porezne uprave za pravno lice-osnovni subjekt, odnosno Liste osiguranika za poslovnu jedinicu ukoliko pravno lice aplicira za poslovnu jedinicu sa adresom sjedišta različitom od adrese sjedišta osnovnog subjekta (ne starija od 30 dana od dana objave Javnog poziva). Za poslovnu jedinicu na adresi jednakoj adresi osnovnog subjekta dostavlja se uz Listu osiguranika osnovnog subjekta i Izjava o osiguranicima sa te Liste koji obavljaju poslove u poslovnoj jedinici (potpisana i ovjerena od strane podnosioca prijave);
- j) Izjava podnosioca prijave o pripadnosti/nepripadnosti uposlenika sa Liste osiguranika ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca prijave (**Aneks PL-III** – koji je sastavni dio Programa);
- k) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca

prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks PL-IV** – koji je sastavni dio Programa);

l) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor, karton deponovanih potpisa, potvrda);

m) **Ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijava (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije). Dostavljena ponuda ili predračun ne smiju biti stariji od dana objave Javnog poziva. Ukoliko se radi o ino ponudi ista mora biti prevedena, potpisana i ovjerena o strane sudskog tumača;**

n) Potvrda da su izmirene obaveze po osnovu uplate boravišne takse (dostavlja pravno lice osnovni subjekat koji pruža usluge smještaja bez obzira da li aplicira sa poslovnom jedinicom koja pruža usluge smještaja ili poslovnom jedinicom koja ne pruža usluge smještaja)

o) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba) (**Aneks PL-V** – koji je sastavni dio Programa);

Podnosilac prijave-pravno lice može podnijeti samo jednu prijavu – kao osnovni subjekt ili samo za poslovnu jedinicu.

Prijave koje ne sadrže kompletnu dokumentaciju koja se traži Javnim pozivom će biti odbačene kao nepotpune i neće biti predmet daljeg razmatranja.

Neblagovremene prijave neće se uzeti u razmatranje.

Podnosioci prijava mogu podnijeti samo jednu prijavu po jednoj mjeri iz Programa, a u slučaju više prijava istog podnosioca sve prijave će biti odbačene kao neosnovane i neće biti predmet daljeg razmatranja. Također, prijava podnosioca koji je ostvario pravo na poticaj ovog Ministarstva po Programu poticaja razvoja male privrede za 2025. godinu biti će odbačena.

X OBRADA PRIJAVA I IZBOR KORISNIKA

Za obradu prijava po Javnom pozivu za odabir korisnika sredstava po Programu poticaja razvoja turizma za 2025. odinu po mjeri **„Jačanje konkurentnosti subjekata male privrede- pravna lica u turističko-ugostiteljskoj djelatnosti“** ministar Ministarstva privrede (u daljem tekstu: Ministar) Rješenjem imenuje Komisiju.

Komisija ima zadatak da u skladu sa kriterijama i procedurama utvrđenim Programom poticaja razvoja turizma za 2025. godinu i Javnim pozivom izvrši evaluaciju i bodovanje, sačini preliminarne rang liste korisnika sredstava (pravnih lica) i liste aplikanata (pravnih lica) čije su prijave neblagovremene, nepotpune i neosnovane, te iste dostavi Ministru. Liste se objavljuju na web stranici Vlade Kantona: www.vladausk.ba.

Na objavljene liste subjekti male privrede, imaju pravo prigovora koji se podnosi Ministarstvu u pisanoj formi, u roku od osam (8) dana od dana objavljivanja listi na web stranici Vlade Kantona: www.vladausk.ba.

Nakon isteka roka za prigovor i nakon rješavanja po uložnim prigovorima u roku od 8 dana od dana isteka roka za podnošenje prigovora, Ministar donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, na koje Vlada Kantona daje saglasnost i iste se objavljuje na web stranici Vlade Kantona.

XI NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Ministarstvo privrede Unsko-sanskog kantona, Alije Đererzeleza 2, 77 000 Bihać,

sa naznakom:

Prijava po Javnom pozivu „Jačanje konkurentnosti subjekata male privrede- pravna lica u turističko-ugostiteljskoj djelatnosti“ „NE OTVARAJ“

Rok za podnošenje prijava je 30 (trideset) dana od dana objave Javnog poziva.

Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje i iste se ne vraćaju podnosiocima prijava.

XII IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih tako i dodijeljenih sredstava. Izuzetno, može se izvršiti izmjena utroška sredstava najviše u visini do 20 % ukupne vrijednosti dodijeljenih sredstava.

Korisnici sredstava su obavezni dodijeljena sredstva po Programu i ovom Javnom pozivu koristiti namjenski i dužni su dostaviti Izvještaj na propisanom obrascu „Izvještaj o utrošku sredstava“ (propisan i dostupan na web stranici Vlade Kantona www.vladausk.ba), sa kompletnom dokumentacijom kojom se dokazuje namjenski utrošak sredstava.

Rok za dostavu Izvještaja je **najkasnije 15 dana** od dana isteka roka za implementaciju projekta.

Nedostavljanje Izvještaja o utrošku sredstava, kao i nenamjenski ili neopravdan utrošak sredstava predstavljaju razlog za povrat sredstava.

Programom poticaja razvoja turizma za 2025. godinu detaljno je definisana dokumentacija kojom se pravda namjenski utrošak sredstava, a ista će se regulisati i Ugovorom o dodjeli sredstava.

XIII POVRAT DODIJELJENIH SREDSTAVA

Ministarstvo će korisniku sredstava rješenjem narediti povrat cjelokupnog ili dijela iznosa dodijeljenih sredstava u procentualnom učešću Ministarstva ako utvrdi da su dodijeljena sredstva upotrijebljena suprotno odredbama Zakona o poticaju razvoja male privrede, Programa, ovog javnog poziva ili ugovora o dodjeli sredstava.

XIV OSTALE INFORMACIJE

U slučaju da se nakon provedenog Javnog poziva i odabira korisnika sredstava po pojedinačnoj poticajnoj mjeri ne utroše planirana finacijska sredstva za implementaciju definisana članom 4. Programa, sredstva će se preraspodijeliti na poticajnu mjeru za koju planirana sredstva nisu dovoljna, a o kojima će Ministarstvo predložiti Vladi Kantona Odluku o izmjeni Odluke o usvajanju Programa utroška sredstava „Subvencije privatnim preduzećima i poduzetnicima-oblast turizma“ iz Budžeta Unsko-sanskog kantona-Ministarstvo privrede za 2025. godinu po Programu poticaja razvoja turizma za 2025. godinu.

Sredstva se dodjeljuju korisnicima u skladu sa bodovnim Konačnim rang listama korisnika sredstava do utroška sredstava predviđenih za implemetaciju pojedinačne poticajne mjere, a nakon eventualne preraspodjele gore definisane.

Sredstva iz člana 4. Programa se dodjeljuju u vidu državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 200.000 EUR u tri uzastopne fiskalne godine shodno članu 2. stav (1) tačka c) Zakona o sistemu državne pomoći u Bosni i Hercegovini („Službeni glasnik BiH“ broj: 10/12 i 39/20).

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona obustavlja se realizacija dodjele sredstava.

Ministarstvo ne snosi troškove nastale u vezi sa prijavom na Javni poziv.

Zaprimljena dokumentacija će se vratiti podnosiocima prijava samo na pismeni zahtjev, u slučaju poništavanja Javnog poziva ili obustave postupka usljed nedostatka sredstava u Budžetu Kantona.

Za dodatne informacije podnosioci prijava na ovaj Javni poziv se upućuju na odredbe Programa poticaja razvoja turizma za 2025. godinu koji je objavljen na web stranici Vlade Kantona www.vladausk.ba kao i na e-mail adresu: turizam.privreda@vladausk.ba

U Bihaću, dana 29.09.2025. godine

*Ministrica:
Samra Mehić, scr.*




Dana 3.10.2025. navršava se osam godina od prerane smrti naše drage

MARINE (Lonić) KARAKAŠ

Iako je prošlo osam godina, još uvijek si u našim srcima i mislima, jer ljubav ne prestaje odlaskom a ni sjećanje vremenom.

Porodica Karakaš



POSLJEDNJI POZDRAV

FERID MULIĆ

1936. – 2025.

S ljubavlju i poštovanjem čuvamo uspomenu na tebe.

*Tvoja kćerka Sanja
sa porodicom*




Dana 05.10.2025. navršava se devet godina od smrti moje majke

DŽEHVA (rođ. Hodžić) PURIĆ

05.10.2016. – 05.10.2025.

Draga majko,
Teško je naći riječi za tuđu i prazninu koju si ostavila iza sebe.
S ljubavlju i poštovanjem.
Neka ti je vječni rahmet.

*Tvoja kćerka Amira
s porodicom*



POSLJEDNJI POZDRAV

FERID MULIĆ

1936. – 2025.

*Tvoja supruga Jovanka
sa djecom i njihovim porodicama*



HATA (Jusić) MAHMUTOVIĆ
– Mehmedovce
05.10.2015. – 05.10.2025.



MEHMED (Huse)
MAHMUTOVIĆ
18.11.1995. – 2025.

SJEĆANJE
na naše roditelje

Čuvamo vas od zaborava.
Neka vam dragi Allah dž.š. podari
lijepi džennet i vječni rahmet
Vaša djeca




ELVIRA (Delić) DŽAFERAGIĆ

1963. – 2024.

Kraj mezara tvođa stojim i Allaha dragog molim da ti Allah džennet da, kćerko naša jedina

Do smrti ožalošćeni

mama i tata



POSLJEDNJI POZDRAV

FERID MULIĆ

1936. – 2025.

*JP „Unsko-sanske novine“
d.o.o. Bihać*



ANKA (Cumpf) RAĐENOVIĆ
06.10.1990 – 06.10.2025.

TUŽNO SJEĆANJE
na naše roditelje

S poštovanjem

*Vaša djeca: Gradimir, Slavica i
Srebrenka s obiteljima*



ĐURO RAĐENOVIĆ
13.08.2000. – 2025.

Dana 4.10.2025. navršava se 19 godina kako nas je napustio naš dragi



MUHAREM SELIMOVIĆ

Tvoj plemeniti lik i dobrota zauvijek će živjeti u našim sreima. Sa puno ljubavlju i poštovanja čuvamo te od zaborava. Neka ti je vječni rahmet.

Porodice Kovačević, Emrulović i Zulić

MaLi OgLaSi

Prodajem auto MERCEDES GLK 220 d. Za više informacija na tel. 060-354-2712

Fondacija FATIH potražuje kompatibilnu zgradu za kupovinu ili iznajmljivanje za preobrazbu za vrtić ili internat, tel. 060-354-2712

PRODAJA STANOVA:

- prodajem dvosoban stan 56 m2 Ul. Bosanskih kraljeva, „C“, zgrada iznad pošte, I sprat, tel. 061-917-734
- prodajem stan na Ozimicama 2., prizemlje, površine 86 m2, cijena po dogovoru, tel. 061-706-627
- prodajem stan 69 m2 Ozimice 1, tel. 062-919-341, 062-849-446
- prodajem dvosoban stan 61 m2 kod Poliklinike, polu renoviran, sunčana strana do magistrale, tel. 062-177-997

PRODAJA KUĆA:

- prodajem kuću i zemlju u Gati, sa dva izvora tople vode, tel. 061-980-914
- kuća na prodaju u Bihaću sa garažom i stanom iznad iste lokacija Ceravci oko 200 m2 stambenog prostora izgrađena '70-tih, info: mob 061/407 300

PRODAJA ZEMLJIŠTA:

- prodajem u Dobrenici oko 9 duluma bukove šume i 4 duluma pašnjaka – proplanak. Prodaje se sve u komadu pošto se parcele naslanjaju jedna na drugu. Na pašnjaku ima izvor prirodne vode a struja je udaljena oko 300 metara, tel. 061-105-174
- prodajem u Ripču na Mahali oko 3,5 duluma zemlje, papiri čisti 1/1, dozvoljena gradnja, parcela se nalazi uz Put 5. korpusa, tel. 061-105-174
- prodajemo građevinsko zemljište na području grada Bihać. Parcela se nalazi na Ceravcima na atraktivnoj lokaciji između Katoličkog školskog centra i trgovačkog centra Fisa, plac je površine 3.277, m2 k.č. 4246, regulisano sa Regulacionim urbanističkim planom Grada Bihać, tel. 037-223-709
- prodajem zemljište 1-3 dunuma, lokacija Kamenica i Vrkašić, povoljno za izgradnju kuće i ostalih objekata, papiri su uredni, tel. 037-882-338, 064-459-008

Na osnovu člana 116. Zakona o srednjem obrazovanju („Službeni glasnik Unsko-sanskog kantona“, broj: 17/12, 12/19 i 15/20), člana 8 i 9 Kolektivnog ugovora za djelatnost srednjeg obrazovanja za teritorij USK-a(Sl. glasnik USK-a br.2/21), Odluke Školskog odbora broj: 479-9-4/ 25. od 30. 9. 2025.godine, Saglasnosti za raspisivanje konkursa Ministarstva obrazovanja, nauke, kulture i sporta USK-a br: 10-34-11369-2/25 od 23. 9. 2025., JU Mješovita srednja škola „Profesor Omer Filipović“ Ključ raspisuje

K O N K U R S
za popunu radnih mjesta

Redni broj	Radno mjesto	Broj sati	Vrijeme angažiranja
1.	Asistent u nastavi	1 izvršilac	Na određeno, a najduže do kraja školske 2025/26. godine
2.	Asistent u nastavi	1 izvršilac	Na određeno, a najduže do kraja nastave maturanata šk.2025/26.

OPĆI UVJETI ZA IZBOR NA UPRAŽNJENA RADNA MJESTA:

- da je državljanin BiH,
- da je stariji od 18 godina,
- da je zdravstveno sposoban za obavljanje poslova utvrđenim za to radno mjesto
- da u posljednje 3 godine od dana objavljivanja upražnjenog radnog mjesta nije otpuštan iz državne službe kao rezultat disciplinske mjere na bilo kojem nivou vlasti u BiH,
- da nije obuhvaćen odredbom člana 9 stav (1) Ustava BiH,
- da se ne vodi krivični postupak protiv tog lica,
- da ima odgovarajući stepen stručne spreme.

POSEBNI UVJETI:

- Za poziciju broj 1. i broj 2. Pomoćnik u nastavi-asistent – visoko obrazovanje (240 ECTS) ili ekvivalent - defektolog bilo kojeg usmjerenja, edukator – rehabilitator, logoped –surdoaudiolog, visoko obrazovanje (240 ECTS) ili ekvivalent nastavničkog usmjerenja, pedagog, pedagog-psiholog, socijalni radnik, visoko obrazovanje (180 ECTS), više obrazovanje nastavničkog smjera. Kandidat mora imati dodatno stručno osposobljavanje uz certificiranje kroz program koji realizira Ministarstvo obrazovanja, nauke, kulture i sporta ili ga provodi druga institucija ili organizacija koja ima odobrenje Ministarstva za realizaciju osposobljavanja pomoćnika u nastavi / asistenta.

UZ PRIJAVU KANDIDATI/KANDIDATKINJE SU DUŽNI PRILOŽITI DOKAZE O ISPUNJAVANJU PROPISANIH UVJETA:

1. prijava sa kraćom biografijom (sa adresom, kontakt telefonom radi poziva na intervju)
2. ovjerenu kopiju diploma,
3. izvod iz matične knjige rođenih,
4. uvjerenje da je državljanin BiH (ne starije od 6 mjeseci)
5. ovjerena izjava kod nadležnog organa da nije otpuštan iz državne službe kao rezultat disciplinske mjere na bilo kojem nivou vlasti u BiH.
6. ovjerena izjava da nije obuhvaćen odredbom člana 9 stav (1) ustava BiH.
7. druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilnikom o unutrašnjoj sistematizaciji radnih mjesta.
8. rješenje / uvjerenje nadležnog kantonalnog / općinskog organa o priznavanju svojstva užeg člana porodice šehida/poginulog branioca, član porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca, ratnog vojnog invalida, civilne žrtve rata i člana porodice civilnih žrtava rata.

Navedeni dokumenti moraju biti original ili ovjerena kopija. Izbor i prijem kandidata prijavljenih na konkurs izvršit će se na osnovu Pravilnika za prijem u radni odnos u osnovnim i srednjim školama Unsko-sanskog kantona br: 10-02-9525-1/21 od 13.09.2021. godine, u daljem tekstu: “Pravilnik“.

Prioritet u zapošljavanju:

Prioritet kod izbora za popunu upražnjenih radnih mjesta putem konkursa/oglasa prije bodovanja imaju osobe proglašene tehnološkim viškom, u skladu sa Pravilnikom o definiranju kriterija za proglašenje uposlenika za čijim je radom djelimično ili potpuno prestala potreba, te uvjeti preuzimanja uposlenika iz jedne škole u drugu („Službeni glasnik Unsko-sanskog kantona“, broj: 13/19, 16/20).

DODATNA DOKUMENTACIJA ZA BODOVANJE KANDIDATA/KANDIDATKINJA

1. Pored gore navedenih dokumenata, svaki kandidat može dostaviti svu raspoloživu dodatnu dokumentaciju na osnovu koje će se izvršiti bodovanje u skladu sa Pravilnikom:
 - uvjerenje o dužini radnog staža nakon sticanja odgovarajuće stručne spreme (uvjerenje poslodavca kod kojeg kandidat radio ili radi, koje mora biti precizno i detaljno, odnosno u kojem treba da stoje podaci o tome na kojim poslovima je kandidat radio, naziv radnog mjesta i stručna sprema, vremenski period obavljanja poslova, te da li su to poslovi na puno ili nepuno radno vrijeme. Poslodavac je dužan nepuno radno vrijeme preračunati u puno radno vrijeme).
 - Rješenje / uvjerenje nadležnog kantonalnog / općinskog organa o priznavanju svojstva užeg člana porodice šehida/poginulog branioca, član porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca, ratnog vojnog invalida, civilne žrtve rata i člana porodice civilnih žrtava rata.

Postupak izbora kandidata/kinja po konkursu izvršit će se prema odredbama Pravilnika. Komisija za izbor nastavnika i stručnih saradnika obavit će postupak izbora kandidata koji ispunjavaju uvjete konkursa. O terminu postupka izbora kandidati će biti usmeno obavješteni putem telefona, a lista kandidata se objavljuje i na oglasnoj tabli škole. Za kandidate koji se ne odazovu pozivu, prijave se neće razmatrati. Kandidati koji se nisu kvalifikovali u daljnu proceduru će biti obavješteni pismenim putem sa poukom o pravnom lijeku od strane škole. Konkurs ostaje otvoren 8 dana od dana objavljivanja. Nepotpune i neblagovremene prijave neće se uzimati u razmatranje.

Izabrani kandidat dužan je prije stupanja na posao dostaviti ljeakarsko uvjerenje nadležne zdravstvene ustanove koje ne može biti starije od 6 mjeseci i uvjerenje da se protiv njega ne vodi krivični postupak koje izdaje nadležni sud.

Prijave slati isključivo poštom na adresu škole sa naznakom Prijava na konkurs:
**JU Mješovita srednja škola „Profesor Omer Filipović“
Branilaca BIH 86,
79280 Ključ**

Direktor škole
Suad Karat

sport

www.usnkrajina.com.ba

PREMIJER FUTSAL LIGA BiH – 2. KOLO

Nakon remija u Cazinu ekipa Bubamare sutra putuje u Sarajevo

Proteklog vikenda odigrane su utakmice 1. kola Premijer futsal lige BiH za sezonu 2025/2026. U ovogodišnjem takmičenju nastupa 10 ekipa i to MNK Bubamara Cazin, MNK Akademac iz Trebinja, MNK Sloga iz Gornjeg Vakufa, MNK Željezničar iz Sarajeva, MNK Mostar SG, MNK Borac iz Banja Luke, MNK Sarajevo, MNK Brod, MNK Salines iz Tuzle, MNK Rama. Ekipa Bubamare iz Cazina krenula je u odbranu titule prvaka za proteklu sezonu. Na otvaranju nove futsal sezone Bubamara je na svom terenu dočekala debitanta u ligi, ekipu Akademac iz Trebinja. Iako su aktualni prvaci bili favoriti u ovom susretu trebinjski Akademac je iznenadio Bubamaru u prvoj utakmici odigraši neriješeno 3:3 u Cazinu.

Bubamara - Akademac 3:3 (1:1)

Dvorana u Cazinu. Gledalaca: 1000. Sudije: Farik Kečo i Almedin Berilo (Sarajevo). Rezultat 3:3. Strijelci: 0:1 Aćimović 5, 1:1 Perić 18, 1:2 Marković 22, 2:2

Kličić 34, 3:2 Jelić 36, 3:3 Ah. Kadić 37.

BUBAMARA: Milanović, Ibrišimović, Osredkar, Gosto, Bundavica, Redžepović, Čajić, Kličić, Isanović, Perić, Jelić, Ramakić.

AKADEMAC: Ćesir, Saul, Janjoš, Ah. Kadić, Ivanagić, Dabarčić, Čolović, Medan, Milojević, Aćimović, Marković, O.Šešelj.

Susret dva nekadašnja saigrača i reprezentativca Srbije koji u ovoj sezoni vode ova dva kluba Borka Surudžića (Bubamara) i Predraga Rajića (Akademac) donio je zanimljiv i kvalitetan futsal u kojem je uživalo oko 1.000 gledalaca u Cazinu. Iako su

Cazinjani bili apsolutni favoriti ekipa Akademac je potvrdila da će biti izuzetno nezgodna ekipa svima i da taj spoj mladosti i iskustva koji je napravljen u Trebinju može biti pravo osvježenje za bh. futsal. Akademac je vodio dva puta pogocima Aćimovića i Markovića, ali se Bubamara dva puta vraćala pogocima Perića i Kličića. Gosti su povelu u petoj minuti pogotkom Aćimovića. U 18. minuti Perić poravnava, što je bio i rezultat prvog dijela. Na otvaranju drugog dijela gosti ponovno dolaze u vodstvo pogotkom Markovića u 22. minuti. Bubamara u 34. minuti pogotkom Kličića stiče

do poravnanja. U 36. minuti Jelić postiže svoj prvi pogodak za Bubamaru u Premijer ligi za preokret 3:2. Radosť Cazinjana trajala je samo dvije minute kada za poravnanje (3:3) pogađa Kadić. Do kraja susreta uz nekoliko propuštenih prilika mreže su mirovale te je susret završen podjelom bodova rezultatom 3:3, što je i najrealniji ishod ovog susreta. Takmičenje se nastavlja ovog vikenda kada se igraju susreti 2. kola. Cazinjska Bubamarau okviru kola gostuje u Sarajevu kod istoimene ekipe. Obje ekipe najavljuju pobjedu.

Rezultati 1. kola: CAZIN: Bubamara – Akademac 3:3, GORNJI VAKUF: Sloga – Željezničar 1:0, MOSTAR: Mostar SG – Sarajevo 2:4, BANJA LUKA: Borac – Brod 8:5, TUZLA: Salines – Rama (odgođena).

Raspored 2. kola: SARAJEVO: Sarajevo – Bubamara, BROD: Brod – Salines, TREBINJE: Akademac – Borac, GORNJI VAKUF: Sloga Mostar SG, SARAJEVO: Željezničar – Rama.



ODRŽAN 22. MEMORIJALNI ODBOJKAŠKI TURNIR „BIHAĆ 2025“

Pobjednik ekipa MOK “Rijeka”



Odbojkaški klub “Bihać” i ove godine već tradicionalno dvadesetdrugi put organizirao je i održao memorijalni odbojkaški turnir u znak sjećanja na sedam izuzetnih sportaša i vrsnih odbojkaša bihaćkog kluba koji su živote izgubili u agresiji na BiH.

Na ovogodišnjem turniru nakon nekoliko godina izbijanja sa ovog turnira, ponovo su učestvovala ekipe OK “Sisak” i MOK “Rijeka” iz Hrvatske i ekipa domaćina OK “Bihać”. Turnir su otvorili svojim susretom odbojkaši veterani kluba iz Bihaća koji su odigrali susret sa mladom ekipom OK “Bihać”.

Zanimljiv susret pripao je mladim odbojkašima OK “Bihać”. U sklopu turnira prvi susret odigrale su ekipe OK “Bihać” i MOK “Rijeka”. Mladi Bišćani nisu uspjeli parirati kvalitetnijoj ekipi Rijeke koja je slavila pobjedu rezultatom 2:0. U drugom susretu sastale su se ekipe OK “Rijeka” i OK “Sisak”. Veoma kvalitetna i dinamična utakmica završila je pobjedom odbojkaša Rijeke rezultatom 2:1, sa kojom su Riječani osvojili i naslov pobjednika ovogodišnjeg turnira. Drugo mjesto osvojila je ekipa OK “Sisak” koja je u trećem susretu savladala mladu ekipu OK “Bihać”, koja je turnir završila kao trećeplasirana.

DRUGA LIGA F BiH – ZAPAD

Krajina dočekuje Bratstvo, a Podgrmeč Ključ



Drugoligaši su odigrali utakmice 6. kola. Domaćini su slavili u četiri susreta, jedan susret završen je bez pogodaka, dok su gosti slavili u dva susreta. Postignuto je 15 pogodaka. Vodeći Rudar iz Kamengrada na svom terenu je u kantonalom derbiju slavio protiv Sloge iz Bosanske Otoke. Susret je završen rezultatom 2:1. Pogotke za domaćina postigli su Babić (34. min AG), Hodžić (51. min), dok je za goste pogodak postigao Vujatović (53. min). Odličan susret odigrala je i Krajina na gostovanju u Han Biloj. Susret je završen 2:2. Pogotke za Krajinu postigli su Prošić (dva), dok su za domaćina pogodili Čatić i Alić.

Bratstvo u Bosanskoj Krupi je pogotkom Šabića slavila minimalnu pobjedu protiv Romaria. Ključ je pomalo neočekivano poražen na svom terenu od Kiseljaka. Radnik je u Donjem Vakufu sa 3:1 savladao Bajer. Pogotke za domaćina postigli su Došlić, Imamović, Lizalović, dok je za ekipu iz Velagića pogodio Anderson. Vitez je u komšijskom derbiju slavio protiv Novog Travnika 1:0. U

nedjelju su na rasporedu susreti 7. kola. Očekuje nas dosta zanimljivih susreta. Vodeći Rudar iz Kamengrada je jedina ekipa sa maksimalnim učinkom, te nastavak odličnog niza tražit će na gostovanju u Novom Travniku. U dva kantonala derbija u Sanskom Mostu Podgrmeč dočekuje Ključ, dok će u Cazinu kod Krajine gostovati Bratstvo iz Bosanske Krupe. Svi susreti počinju u 15 sati.

Rezultati 6. kola: HAN BILA: Rudar – Krajina 2:2, BOSANSKA KRUPA: Bratstvo – Romari 1:0, KLJUČ: Ključ – Kiseljak 0:2, DONJI VAKUF: Radnik – Bajer 99 3:1, VITEZ: Vitez – Novi Travnik 1:0, KAMENGRAD: Rudar – Sloga 2:1. Slobodna je bila ekipa Podgrmeč iz Sanskog Mosta.

U 7. kolu sastaju se: BOSANSKA OTOKA: Sloga – Rudar (HB), NOVI TRAVNIK: Novi Travnik – Rudar (K), VELAGIĆI: Bajer 99 – Vitez, KISELJAK: Kiseljak – Radnik, SANJSKI MOST: Podgrmeč – Ključ, CAZIN: Krajina – Bratstvo. Slobodna je ekipa Romari. Svi susreti počinju u 15 sati.

NOGOMETNA LIGA USK

Vodeći Omladinac 75 dočekuje Borac

Domaćini su slavili u dva susreta, jedan susret završen je bez pobjednika, dok su gostujuće ekipe ostvarile dvije pobjede. Vodeći Omladinac 75 iz Pokoja nastavio je odličan niz. Ovog puta slavili su visoku pobjedu na gostovanju na Kamenici rezultatom 0:7. Pogotke su postigli Galin (dva), Nuhić (AG), Čirić, Halavać, Balić, Alić. Uvjerljiv je bio i Krajišnik na svom terenu slavivši sa 6:0 protiv Omladinca iz Sanice. Pogotke su postigli Pajazetović (dva), Šakanović (dva), Keranović, Omeragić.

Odličan susret odigrala je Korana, slavivši protiv Željezničara sa 5:2. Pogotke za domaćina postigli su Džehverović (tri), Murić, Džanić, dok su za goste pogodili Gerzić i Kanurić. Susret dvije Mladosti pripao je gostima iz Vrnograča minimalnim rezultatom 0:1. Pogodak je postigao Mašinović. Borac je na Izačiću odigrao 1:1 sa Viteзом iz Bužima. Za domaćina je pogodio Alibabić u 10. minuti, dok je za izjednačenje pogodak postigao Bašić u 80. minuti. Takmičenje se nastavlja u subotu kada su na rasporedu susreti 5. kola. U Pokoju kod lidera gostuje Borac, dok u Vrnograču kod drugoplasirane Mladosti gostuje Kamenica. Komšijski derbi igra se u Bužimu gdje gostuje Krajišnik, dok Krupljani dočekuju Mladost Polje. U Sanici gostuje debitant Korana iz Tržca. Svi susreti počinju u 15 sati.

Rezultati 4. kola: VELIKA KLADUŠA: Krajišnik – Omladinac 6:0, POLJE: Mladost – Mladost (V) 0:1, IZAČIĆ: Borac – Vitez (B) 1:1, TRŽAC: Korana – Željezničar 5:2, KAMENICA: Kamenica – Omladinac 75 0:7.

U 5. kolu sastaju se: BUŽIM: Vitez – Krajišnik, POKOJ: Omladinac 75 – Borac, VRNOGRAČ: Mladost (V) – Kamenica, B: KRUPA: Željezničar – Mladost (P), SANICA: Omladinac – Korana. Svi susreti počinju u 15 sati.





NA VELIKOKLADUŠKOM 21. "TROFEJU" KARATE KLUB "REGENERACIJA"

Uspješan organizator, najbolji na tatamiju

U vikendu iza nas u Velikoj Kladuši u organizaciji Karate saveza USK i tehničkoj organizaciji Karate kluba "Regeneracija" iz Velike Kladuše održano je Međunarodno karate takmičenje "21. Trofej Velike Kladuše 2025". Nastup je zabilježilo oko 300 takmičara iz 23 kluba i tri države. Takmičenje su otvorili

ostvarili su karatisti KK "Regeneracija" iz Velike Kladuše sa osvojenih ukupno 66 medalja od kojih 19 zlatnih, 20 srebrenih i 27 brončanih. Kao domaćin KK "Regeneracija" nije ušao u konkurenciju konačnog plasmana te je ustupio pehar za Karate klub "Phoenix" s Murtera (Hrvatska) koji su osvojili prvo mjesto sa osvojenih ukupno



Ekipe "Pegaza" na drugom mjestu



Sanske "Hurije" zauzele treće mjesto

zlatnih, 6 srebrenih, 2 brončane), KK Kastr Banja Luka (5 zlatnih, 4 srebrene, 5 brončanih), KK Bihać (5 zlatnih, 2 srebrene, 10 bronžanih), KK Ključ (5 zlatnih, 1 srebro, 4 bronzane), KK Tigar Velika Kladuša (4 zlatne, 9 srebrenih, 13 brončanih), KK Jion Peb Bihać (3 zlatne, 8 srebrenih, 3 brončane), KK Cazin (3 zlatne, 3 srebrene, 8 brončanih), KK Rajko Crnobrnja Novi Grad (3 zlatne, 1 srebrna, 1 brončana), KK Feniks Bosanska Krupa (2 zlatne, 4 srebrene, 6 brončanih), KK Lotos Zagreb (2 zlatne, 1 srebrna), KK Vrbas Banja Luka (1 zlatna, 3 srebrene, 3 brončane), KK Bugojno (1 zlatna, 1 srebrna, 3 brončane), KK Mladost Bosanski Petrovac (1 zlatna, 1 srebrna, 3 brončane), KK Novi Grad (1 zlatna), KK KBES-BK Bosanska Krupa (2 srebrene, 1 brončana), KK Bužim (2 bronzane), KK Olimpija Ljubljana (1 brončana).

Za najmlađeg takmičara turnira izabran je Džan Kantarević (KK "Regeneracija" Velika Kladuša), dok je za najmlađu takmičarku izabrana Ema Šabić (KK "Feniks" Bosanska Krupa). U Top 10 takmičara turnira izabrani su Aris Beganović, Taris Beganović, Najra Miljković, Anes Pehlić, Adnan Šakinović (KK Regeneracija Velika Kladuša), Sara Vilić, Eman Jušić (KK Budo Cazin), Hazim Duraković (KK Tigar Velika Kladuša), Ema Dervišević (KK Pegaz Bihać), Sara Kovačević (KK Rajko Crnobrnja Novi Grad).

Učesnici su uputili pohvale organizatorima turnira ističući da je protekao u izuzetnom sportskom duhu, te da je "Trofej Velike Kladuše 2025" još jednom potvrdio status jednog od značajnijih karate događaja u regionu.



Najmlađi takmičari



Izabrani najbolji pojedinci turnira

Za najuspješnijeg takmičara turnira izabran je Aris Beganović (KK "Regeneracija" Velika Kladuša) sa osvojene tri zlatne i jednom brončanom medaljom, a njegova klupska kolegica Najra Miljković izabrana je za najuspješniju takmičarku turnira sa osvojene dvije zlatne, dvije srebrene i jednom brončanom medaljom. Za najuspješnijeg trenera izabran je Josip Knežević iz Karate kluba "Phoenix" s Murtera (Hrvatska), čija je ekipa osvojila sveukupno drugo mjesto.

Denis Osmankić, ministar obrazovanja, nauke, kulture i sporta Unsko-sanskog kantona i Fuad Sulejmanagić, savjetnik načelnika Općine Velika Kladuša.

Cjelodnevno takmičenje u katama i borbama za više starosnih kategorija i ove godine pokazalo je kvalitet takmičara. Najbolji rezultat

13 medalja od kojih sedam zlatnih, tri srebrene i tri brončane.

Drugo mjesto u konačnom plasmanu klubova ovogodišnjeg turnira i najbolji plasman klubova iz USK-a osvojio je Karate klub "Pegaz" iz Bihaća. Mladi kolektiv do odličnog plasmana došao je sa osvojenih ukupno 12 medalja

od kojih sedam zlatnih i pet brončanih. Zlatne medalje osvojili su Harun Zjakić (dvije), Ajdin Kozlica, Hana Zjakić, Naida Čehić, Eldar Zulić u borbama u svojim kategorijama i Ela Dervišević u katama. Brončane medalje u borbama osvojili su Hana Zjakić, Ela Dervišević (dvije), Sara Prša (dvije

) u katama. Treće mjesto u konačnom plasmanu osvojili su karatisti KK "Hurije" iz Sanskog Mosta sa osvojenih ukupno 13 medalja od kojih osam zlatnih, četiri srebrene i jedna brončana.

Najbolje rezultate i zlatne medalje osvojili su u svojim kategorijama Elvin Islamčević, Adna Fazlić, Mirna

Muminović, Amna Ramić, Elma Memić, Enna Bećirbegović, Daris Kovač, Muniba Sinanović. Druga mjesta i srebrene medalje osvojili su Dalia Omara, Mubina Žerić, Fatima Babović i Amani Horozović. Brončanu medalju osvojila je Ajna Redžović. U konačnom plasmanu slijede KK "Budo" Cazin (5



PRVA LIGA FEDERACIJE BiH Jedinstvo sutra dočekuje drugoplasirani Čelik iz Zenice

U vikendu iza nas prvoligaši su odigrali susrete 6. kola koje je završeno sa pet pobjeda domaćina i dvije pobjede gostujućih ekipa. Postignuto je ukupno 20 pogodaka. Najuvjerljiviji je bio vodeći Tošk koji je sa visokih 1:5 slavio u Konjicu. Čelik je na svom terenu slavio protiv Stupčanice. U Tuzli je Tuzla City slavila protiv Viteza rezultatom 2:1. Dvije minimalne pobjede ostvarili su na domaćem terenu Gošk protiv Bratstva i Travnik protiv Budućnosti. Tomislav je na svom terenu rezultatom 2:1 savladao tuzlansku Slobodu.

Nogometaši Jedinstva su nakon domaćeg poraza u proteklom kolu u okviru šestog kola slavili važnu pobjedu na gostovanju u Hadžićima, gdje su savladali ekipu Radnika rezultatom 1:2.

RADNIK: Mehić, Kovačević, Musić, Kobašević, Pramenković, Bekić, Tiro, Karačić, Konjhodžić,

Popović, Pirić. Još su igrali Hukić, Rahmanović, Rizvo, Koso, Šehić. Trener Bakir Šerbo.

JEDINSTVO: Bilić, Jašarević, Nascimento, Petković, Salkanović, Mahmud, Zgonjanin, Fontemachhi, Stipić, Hadrović, Božić. Još su igrali Branković, Zarić, Guskić, Blažević. Trener Nedžad Žerić.

STRIJELCI: 0:1 Popović (AG-38), 0:2 Salkanović (52), 1:2 Bekić (64).

Odlična partija nogometaša Jedinstva. Nakon uvjerljive pobjede rezultatom 0:3 protiv Goražda u okviru KUP takmičenja nogometaši Jedinstva su slavili i na gostovanju u Hadžićima. Odigrali su otvorenu i dinamičnu utakmicu. Jedinstvo je prvo došlo do vodstva. Nakon kornera u 38. minuti Zgonjanin glavom šutira prema голу, lopta se odbija od domaćeg igrača Popovića koji je posprema u vlastitu mrežu za vodstvo Jedinstva od 0:1. Ovim

1. TOŠK	6	5	0	1	15
2. Čelik	6	3	3	0	12
3. Travnik	6	3	1	2	10
4. Sloboda	6	3	1	2	10
5. Stupčanica	6	3	0	3	9
6. Jedinstvo	6	3	0	3	9
7. Tomislav	6	2	2	2	8
8. GOŠK	6	2	2	2	8
9. Radnik	6	2	2	2	8
10. Tuzla City	6	2	1	3	7
11. Vitez	6	2	1	3	7
12. Igman	6	2	0	4	6
13. Bratstvo	6	1	2	3	5
14. Budućnost	6	0	3	3	3

rezultatom se otišlo na odmor. Početak drugog poluvremena ponovno pripada Biščanima koji su u 52. minuti došli do svoga drugog pogotka. Pogodak za jedinstvo postigao je Salkanović u 52. minuti susreta. Nakon vodstva 0:2 Jedinstvo nastavlja sa dobrom i čvrstom igrom, te stvara još nekoliko izglednih prilika.



Domaćin je pokušavao doći do pogotka, a u tome su uspjeli u 64. minuti kada za smanjenje rezultata 1:2 pogada Bekić. Do kraja susreta Jedinstvo je uglavnom čuvalo prednost, a odličnom odbranom sa puno trke na terenu u tome su uspjeli te su zaslužno uknjižili nova tri boda. Protekla sedmica bila je izuzetno

teška. Dvije gostujuće utakmice i dvije zaslužene pobjede izabranika Nedžada Žerića motiv su svakako za sutranji susret sedmog kola u kojem u Bihaću gostuje ekipa Čelika. Zeničani u Bihać stižu kao jedina neporažena ekipa u dosadašnjem dijelu prvenstva, što je svakako najava da i u ovom susretu dolaze da ostvare povoljan rezultat. Jedinstvo je spremno te najavljuju maksimalno zalaganje u susretu protiv sportskih rivala iz Zenice. Susret se igra u subotu sa početkom u 15 sati.

Rezultati 6. kolo: Radnik – Jedinstvo 1:2, Igman – Tošk 1:5, Tuzla City – Vitez 2:1, Čelik – Stupčanica 2:1, Gošk – Bratstvo 1:0, Travnik – Budućnost 1:0, Tomislav – Sloboda 2:1.

U 7. kolu sastaju se: Jedinstvo – Čelik, Sloboda – Igman, Budućnost – Tomislav, Bratstvo – Travnik, Stupčanica – Gošk, Vitez – Radnik, Tošk – Tuzla City. Svi susreti počinju u 15 sati.

OŽRK “KRAJINA” CAZIN SUTRA IGRA UZVRATNI SUSRET 2. KOLA EHF EVROPSKOG KUP-a “Krajina” će u revanšu ugostiti OŽRK “Split”

Rukometašice Krajine iz Cazina proteklog vikenda odigrale su svoj prvi susret u sklopu nastupa u Evropskom EHF takmičenju. Cazinске rukometašice svoj izlazak u Evropu imale su u Evropskom kupu koje je treće po snazi evropsko klupsko takmičenje. Svoj prvi susret na evropskom putu odigrale su u Splitu, gdje su odigrale susret sa istoimenom ekipom. Prvi od dva susreta rukometašice Krajine završile su gostujućim porazom rezultatom 37:29.

Splicanke su bolje otvorile prvi od dva susreta 2. kola EHF Evropskog kupa i tako si osigurale lijepu prednost uoči uzvratnog susreta koji se igra sutra (subota) u Cazinu.

Domaće rukometašice čvršće su ušle u susret te su nakon prvih osam minuta stvorile prednost od tri



pogotka (5:2). Mlada ekipa Krajine uspjela je odgovoriti na pravi način te je u kratkom vremenu stigla prednost domaćina na 5:5. U nastavku domaćin pravi seriju od četiri pogotka te stiže do prednosti od 9:5.

U drugom dijelu prvog poluvremena obje ekipe pravile su pogreške, a nešto bolje bile su cazinske rukometašice koje su u 24. minuti imale samo jedan pogodak zaostataka za domaćim rukometašicama.

Pet minuta do kraja prvog dijela Splicanke ponovno bolje stoje na terenu te uspijevaju ponovno steći prednost te na odmor otići sa četiri pogotka razlike rezultatom 19:15. Početak drugog dijela u potpunosti

je pripao rukometašicama iz Splita koje su u 34. minuti imale šest pogodaka prednosti. Ekipa Krajine pokušavala je stići prednost domaćina, ali do kraja susreta nisu uspjele, te je isti završen sa osam pogodaka razlike rezultatom 37:29. Najefikasnije u redovima Krajine bile su Džakmić i Dautović sa po osam postignutih pogodaka. Kod domaćina najefikasnije su bile Fradelić i Lovrić sa po deset postignutih pogodaka.

U subotu, 4. oktobra sa početkom u 19 sati igra se revanš susret ove dvije ekipe. Prednost Splicanki od osam pogodaka nije nedostižna, te mlade “Lavice” iz Cazina motivirane iščekuju revanš susret, te pozivaju navijače da dođu i podrže ih u ovom susretu u kojem će pokušati ostvariti povoljan rezultat sa kojim bi nastavile svoj evropski put.